

四庫全書

子部

欽定四庫全書

御定淵鑑類函卷二百八十八

人部四十七

債負 乞假 賤

債負一

增說文曰債者負也今俗負財曰債 周禮曰小宰聽

稱責以傅別

注稱責謂貸子傅別謂券書也聽訟責者以券書別之傅傅著約束於文書別別為

兩兩家各得一也疏稱責謂舉責生子彼此俱為稱意於官於民俱是稱也

又曰凡賒者

祭祀無過旬日喪紀無過三月凡民之貸者與其有司

辨而授之以國服為之息

注鄭司農云賒賁也以祭祀喪紀故從官賈買物貸者謂

從官借本賈也故有息使民弗利以其所賈之國所出為息也假令其國出絲絮則以絲絮償其國出絺葛則

以絺葛償

管子問曰問邑之貧人債而食者幾何家 漢

書谷永傳曰為人起責分利受謝

債負二

增史記蘇秦傳曰初蘇秦之燕貸百錢為資及得富貴以百金償之 孟嘗君傳曰孟嘗君食客三千邑入不足奉客使人出錢於薛歲餘不入貸錢者多不能與

其息孟嘗君使馮驩收債於薛馮驩至薛召取孟嘗君
錢者皆會得息錢十萬乃多釀酒買肥牛召諸取錢者
能與息者皆來不能與息者亦來皆持取錢之券書合
之齊為會日殺牛置酒酒酣乃持券如前合之能與息
者與為期貧不能與息者取其券而燒之孟嘗君怒而
使使召驩驩至曰焚無用虛債之券捐不可得之虛計
令薛民親君而彰君之善聲也君有何疑焉孟嘗君乃
拊手而謝之 前漢書鄭當時傳曰當時為大司農任

人賓客僦入多逋負司馬安為淮陽太守發其事當時

以此陷罪

僦謂受雇賃而載運也

兒寬傳曰寬為中大夫遷左

內史吏民大信愛之收租稅時裁濶狹與民相假貸以故租多不入後有軍發左內史以負租課殿當免民間當免皆恐失之大家牛車小家擔負輸租緡屬不絕課更以最史記貨殖傳曰吳楚七國兵起時長安中列侯封君行從軍旅齎貸子錢子錢家以為侯邑在關東關東成敗未決莫肯與唯無鹽氏出捐千金貸其息什

之三月吳楚平一歲之中無鹽氏之息十倍 前漢書

陳遵傳曰遵祖父遂宣帝微時與有故相隨博弈數負
進及宣帝即位用遂稍遷至太原太守乃賜遂璽書曰
制詔太原太守官尊祿厚可以償博進矣 後漢書樊

宏傳曰宏素所假貸人間數百萬遺令焚削文契債家
聞者皆慙爭往償之諸子從敕竟不肯受 虞預會稽
典錄曰鄭宏守陽羨民有弟用兄錢者為嫂所責未還
之嫂詣宏宏為叔還錢兄聞之慚愧自繫於獄遂遣婦

齎錢還宏宏不受也 南史蕭惠開傳曰初惠開府錄

事參軍劉希微負蜀人債將百萬為債主所制未得俱

還惠開與希微共事不厚而廐中凡有馬六十匹悉以

乞希微償債 王宏傳曰宏父珣頗好積聚財物布在

人間及薨宏悉燔券書一不收責 王志傳曰天監初

為丹陽尹為政清靜都下有寡婦無子姑亡舉債以斂

葬既而無以還之志愍其義以俸錢償焉 崔慰祖傳

曰慰祖之父慶緒為梁州刺史梁州之資家財千萬散

與親族漆器題為日字日之器流乎遠近慰祖料得父
時假貫文疏謂族子紘曰彼有自當見還彼無吾何言
哉悉火焚之 北史齊蘭陵王長恭傳曰長恭有千金
債券臨死悉燔之 袁聿脩傳曰司徒錄事參軍慮思
道私貸庫錢三十萬聘太原王义女為妻聿脩知而不
劾免中丞 新唐書高瑀傳曰瑀累遷陳蔡二州刺史
入為太僕卿忠武節度使王沛死衛軍諸將多自謂得
之宰相裴度韋處厚以瑀治陳蔡素有狀習軍中情偽

欲任之會其軍表勾瑀乃檢校左散騎常侍領忠武節
度使自大歷後擇帥悉出宦人中尉所輸貸至巨萬貧
者假貸富人既得所欲則椎斲膏血倍以酬息十常六
七及瑀有命士相告曰韋裴作相天下無債帥裴度
傳曰大賈張陟負五坊息錢上命坊使楊朝汶收其家
簿閱貸錢雖已償悉鉤止根引數十百人列篋挺脅不
承又獲盧大夫逋券捕盧坦家客責償久乃悟盧羣券
坦子上訴朝汶譖語錢入禁中何可得也來俊臣傳

曰俊臣父操與里人蔡本善本負博數十萬不能償操因納其妻先已娠而生俊臣冒其姓 宋史食貨志曰

唐劉晏掌國計未嘗有所假貸有尤之者晏曰使民僥倖得錢非國之福使吏倚法督責非民之便吾雖未嘗假貸而四方豐凶貴賤知之未嘗逾時有賤必糴有貴必糶以此四方無甚貴甚賤之病安用貸為 五代晉本紀曰天福五年春除民公私債 宋吳元載傳曰雍熙三年徙知秦州州民李益者為長道縣酒務官家饒

於財僮奴數千指恣橫持郡吏短長吏而下皆畏之
民負息錢者數百家郡為督理如公家租調 李漢超
傳曰漢超仕關南人有訟漢超強取其女為妾及貸而
不償者太祖召而問之曰汝女可適何人曰農家也又
問漢超未至關南契丹如何曰歲苦侵暴曰今復爾耶
曰否太祖曰漢超朕之貴臣也為其妾不猶愈於農婦
乎使漢超不守關南尚能保汝家之所有乎責而遣之
密諭漢超曰亟還其女并所貸朕姑貰汝勿復為也不

足於用何不以告朕耶漢超感泣誓以死報 呂端傳

曰端不蓄貲產其子藩貧賈又迫婚嫁因質其居第真宗時出內府錢五百萬贖還之又別賜金帛俾償宿負遣使檢校家事 畢士安傳曰王旦為相面奏云畢士

安仕至輔相而四方無田園居第歿未終喪家用已屈真不負陛下所知然使其家假貸為生宜有以周之者竊謂當出上恩非臣敢為私惠真宗感歎賜白金五千兩 李沆傳曰沆素貧多負人錢太宗別賜三千萬償

之 稗史曰蘇軾為錢塘時民有訴扇肆負債二萬者
逮至則曰天雨且寒有扇莫售非不肯償也公令以扇
三十來就判筆隨意作行草及枯木竹石舉以付之纔
出門人競以千錢取扇所持立盡遂悉償所負 宋史
李庭芝傳曰庭芝初至揚時揚新遭火廬舍盡燬庭芝
悉貸貧民逋假錢使為屋屋成又免其假錢凡一歲官
民居皆具 朱熹傳曰熹家故貧少依父友劉子羽寓
建之崇安後徙建陽之考亭簞瓢屢空諸生之自遠而

至者豆飯藜羹率與之共往往稱貸於人以給用而非其道義則一介不取也 賀鑄傳曰鑄以家貧貸子錢

自給有負者輒折券與之 金史宗道傳曰宗道授河

南路統軍使泗州民張偉獲宋人王萬言彼界事情宗道疑其寃乃廉問得實萬楚州賈人偉負萬貸五千餘貫三年不償萬理索為偉所誣乃坐偉而歸萬時人服其明 元岳柱傳曰時有誣告富民負永寧王官帑錢八百餘錠者中書遣使諸路徵之使至江西岳柱曰事

涉誣罔不可奉命僚佐恐違宰臣意岳柱曰民惟邦本傷本以斂怨亦非宰相福也 吳鼎傳曰浙有兩富豪

曰朱張家多貸與民錢其後兩家誅沒而券之已償者亦入於官官惟驗券徵理民不能堪鼎力為辨白始獲免 郭全傳曰劉德年五十未娶稱貸得錢先為弟求婦諸弟亦化其德一門藹然 孫秀實傳曰里人王仲和嘗托秀實貸富人鈔二千錠貧不能償棄其親逃去數年其親思之疾秀實日餽薪米存問終不樂秀實哀

之悉為代償取券還其親 嘗汝道傳曰汝道嘗出麥
粟貸人至秋蝗食稼人無以償汝道聚其券焚之 達

本傳曰達本鎮撫白霄諸郡貸廉吏銀其子錢不能償
者焚其券 元周密齊東野語曰朱承逸居霅城東嘗

五鼓趨郡過駱駝橋聞橋下哭聲哀視之有負勢家錢
貧無以償率妻子將赴水朱惻然遣僕護之歸且躬往
其家見債家悍僕在門朱因好言論之曰彼既無所償
逼之何益吾當代還其本可亟以原券來債家唯唯即

以數取付之

明胡應麟甲乙剝言曰鄔佐卿於甘露

寺遇一蜀僧數與往還佐卿適有所負無以應憂見於
色僧問曰君須幾何而形困若此鄔曰非十金不可僧
持几上煮茶銅鈔視之曰此踰十金矣便索炭出袖中
藥七許塗其上入火色赤急索酒淬之尋以水洗則成
銀矣鄔遂償子錢明日往謝僧已行 祝允明小傳曰
允明字希哲長洲人為家未嘗問有無得俸錢及四方
餉遺輒名所善客噓飲歌呼費盡乃已或分與持去不

留一錢每出則追呼索逋者相隨於道路更用為忤笑
資

債負三

原貸粟

賞酒

莊子貸粟監河侯詳貧二
本紀高祖嘗從王媪武負賞酒

史記高祖

負王媪見其上常有龍怪之高祖每酤留飲
酒讐數倍及見怪歲竟此兩家嘗折券棄責

判書

懸券

周禮凡有責者有判書以治則聽注曰判半分而
合者疏曰即今合同兩家各得其一者也

梁書

蕭宏傳宏出錢立券每以田宅邸店懸上文券期訖便
驅券主奪其它百姓失業帝後知制懸券不得復驅奪

不假免官

試貸卜事

三國志曹洪傳洪家富而吝
書文帝少時假求不稱常恨

之遂以舍客犯法免官 白帖越大夫種曰臣觀吳政
驕請試之貸粟以卜其事吳王欲與子胥諫勿與之

增乘馬入堂

探帽擲地

元史廉希憲傳西域人自稱駙馬營于城外繁富民

誣其祖父嘗貸息錢索償甚急民訴之行省希憲命收
捕之其人怒乘馬入省堂坐榻上希憲命捽下跪而問
之曰法無私獄汝何人敢擅繫民令械繫之 晉書袁
耽傳耽少有才氣倏儻不羈桓溫少時游於博徒資產
俱盡思自振之方莫知所出欲求濟於耽而耽在艱試
以告焉耽略無難色遂變服懷布帽隨溫與債主戲耽
素有藝名債者聞之而不相識謂之曰卿當不辦作袁
彥道也遂就局十萬一擲直上百萬耽投馬絕叫探布
帽擲地曰竟識袁彥
道否其通脫如此

官為責償

女遽還直

宋史沈立傳立

遷兩浙轉運使蘇湖水民艱食縣戒強豪民發粟以賑
立亟命還之而勸使自稱貸須歲稔官為責償 晉書

王戎傳戎女適裴頠貸錢數萬久而未還
女後歸寧戎色不悅女遽還直然後乃歡

豪富相還

詭求無已

三國志潘璋傳孫權為陽羨長璋始往隨
權性博蕩嗜酒居貧好賒酤債家至門輒

言後豪富相還權奇愛之
後漢書陳重傳重在郎署
有同署郎負息錢數十萬債主日至詭求無已重乃密
以錢代還郎後覺知而厚辭謝之重曰
非我之為將有同姓名者終不言惠

計畝與直

鬻女以償

元史董文炳傳文炳為藁城令前今因軍興
乏用稱貸於人而貸家取息歲倍縣以民蠶

麥償之文炳曰民困甚矣吾為令義不忍視也吾當為
代償乃以田廬若干計畝直與貸家
萬姓統譜宋吳
方延祐中為處州學錄有蔡港務官
虧稅錢將鬻女以償者方為之代輸

田園略盡富

貴必還

北史夏侯道遷傳道遷子夬性好酒沽買飲噉
多所費用父時田園貨賣略盡人間債猶數千

欽定四庫全書

卷二百八十八

東軒筆錄王韶知洪州學佛一日問長老祖心曰昔未聞道罪障固多今聞道矣罪障滅乎心曰今有人負債及富貴而債主至其償乎否也韶曰必還曰然則聞道矣奈債主不相放也

亡弟相貸

愚民不知

北史崔光韶傳光韶資產皆弟光伯所營光伯亡悉焚其犇河間邢子才曾貸錢數

萬後送還之光韶曰此亡弟相貸僕不知也竟不納宋司馬光傳王安石得政行新法光曰平民舉錢出息尚能蠶食下戶況縣官督責之威乎呂惠卿曰青苗法願取則與之不願不强也光曰愚民知取債之利不知還債之苦非獨官不强富民亦不强也

訟嫂負錢

願王償債

南史齊竟陵王

子良傳時山陰人孔平詣子良訟嫂市米負錢不還子良歎曰昔高文通與寡嫂訟田義異於此乃賜米錢以償平前漢書淮陽言負債數百萬願王為償王遣人兄弟三人博至淮陽言負債數百萬願王為償王遣人

將黃金五十斤送博後又
遣有司為博償債二十萬

一不經意 得毋重憂宋

蘇雲卿傳薪水有羨則以周急應貸假者負債一不經
意又吳瑛傳瑛視財物如糞土妹壻輒取家財數十

萬貸人不能償瑛哀之曰是人
有母得毋重憂召而焚其券

焚券一廚 出粟萬

石南史顧覲之傳覲之家門雍穆為州郡所重子綽私
財甚豐鄉里士庶多負債覲之禁不能止及後為吳

郡誘出文契一大厨悉令焚之宣語遠近皆不須還
北史李士謙傳士謙嘗出粟萬石以貸鄉人屬年穀不
登債家無以償皆來致謝士謙曰
吾家餘粟本圖賑贍豈求利哉

債負四

原倍息

鼂錯論貴粟疏急政暴虐賦斂不時朝令而
暮改當其有者半價而賣亡者取倍稱之息

屬責

周禮凡屬責者以其地傳而聽之辭注謂屬責轉責使人歸之而本主死亡歸受之數相抵冒者也

以其地之人相比近能為證者來乃受其辭為治之

增息歲什一

周禮泉府注王莽時民貸

以治產業者但計贏所得受息無過歲什一

賣鬻以償

鬻錯貴粟疏有賣田宅鬻子孫以償

者 將入青雲

北史蘇瓊除南清河太守道人道研為濟川沙門資產巨富在郡多出息常得

郡縣為徵及欲求謁度知其意每見則談問元理研雖為債數來無由啓口其弟子問其故研曰每見府君徑

將我入青雲間何由得論地上事師徒還歸遂焚責券

出錢償逋

宋史查道傳道性淳厚為

大理評事有犯不校胥吏有過未嘗笞罰民訟逋負者或出已錢償之

家無餘財

南史褚彥

回傳彥回家無餘財負債數十萬

秋熟還官

元史蓋苗傳苗為濟寧路單州判官有官粟五

百石陳腐以借諸民期秋熟還官及秋郡責償甚急部使者將責知州苗曰官粟實苗所贖今民既不能償苗請代還使者乃已其責

施用其言

御史張諫議師德建言有負官物而本非侵盜若筑獨貧

病者雖督繫之卒無以自償請因上慮囚一切蠲免之詔施用其言

檄下必辦

萬姓統譜宋虞

賓以宣德郎知長洲縣屬歲大稔民無蓋藏部使者猶急宿負檄下曰必辦賓束文書不問

馬驚

不進

括異志陳宏泰家富於財有人貸錢一萬宏泰徵之甚急其人曰請無慮吾先養蝦蟇萬餘頭鬻之

足以奉償宏泰聞之惻然已其償仍別與錢十千令悉放之江中經月餘宏泰因夜歸馬驚不進前視之乃一金蝦蟇也

慨然棄索

萬姓統譜宋胡元質聞鄰有貧士夜哭乃鬻其女以償債與別也元質慨

然棄索

與之

債負五

增詩唐杜甫曲江詩曰酒債尋常行處有人生七十七古
來稀 宋黃山谷詩曰未論功活人飽活不嘗得妻寒
尚賓敬兒餓猶筆墨平生貸米家十輩來薄責囊無孔
方兄面有陳蔡色

增疏宋韓琦諫青苗錢疏曰制置司引周禮國服為息
之說文其謬妄臣竊以為周公立太平之法必無剝民
取利之理但漢儒解釋各有異同周禮園廛二十而稅

一唯漆林之征二十而五鄭康成乃約此法謂從官貸錢若受園廛之地貸萬錢者出息五百賈公彥廣其說謂如近郊十一者萬錢期出息一千近郊二十而三者萬錢期出息一千五百甸稍縣鄙之民萬錢期出息二千如此則須漆林之戶取貸方出息二千五百當時未必如此今放青苗錢凡春貸十千半年之內便令納利二千秋再放十千至歲終又令納利二千則是貸萬錢者不問遠近歲令出息四千周禮至遠之地出息二千

今青苗取息過周禮一倍制置司言比周禮取息已不為多是欺罔聖聽且謂天下之人不能辨也且古今異宜周禮所載有不可施於今者其事非一若謂泉賦一職可施行則制置司何獨舉注疏貸錢取息一事以詆天下之公言哉康成又注云王莽時貸以治產業者但計所贏受息無過歲什一公彥疏云王莽時雖計本多少為定及其催科唯所贏多少假令萬錢歲贏萬錢催一千贏五千催五百餘皆計利催什一若贏錢更少則

納息更薄比今青苗取利尤為寬少而王莽之外上自
兩漢下及有唐更不聞有貸錢取利之法今制置司遇
堯舜之主不以二帝三王之道上裨聖政而貸錢取利
更過莽時此天下不得不指以為非而老臣不可以不
辨也 又司馬光疏曰今言青苗之害者不過謂使者
騷動州縣為今日之患耳而臣之所憂乃在十年之外
非今日也夫民之貧富由勤惰不同情者常乏故必資
於人今出錢貸民而斂其息富者不願取使者以多散

為功一切抑配恐其逋負必令貧富相保貧者無可償則散而之四方富者不能去必責使代償數家之負春算秋計展轉日滋貧者既盡富者亦貧十年之外百姓無復存者矣

增論宋歐陽修原弊論略曰今大率一戶之田及百頃者養客數十家夫此數十家者素非富而蓄積之家也當其乏時嘗假債於主人而後償之息不兩倍則三倍及其成也出種與稅而後分之償三倍之息盡其所得

或不能足其場功朝畢而暮乏食則又舉之故冬春舉食則指麥於夏而償麥償盡矣夏秋則指禾於冬而償也似此數十家者常食三倍之物而一户常盡取百頃之利也

乞假一

增禮記曰大夫祭器不假 又曰子婦不敢私假 又曰事君者量而後入不入而後量凡乞假於人為人從事者亦然故上無怨而下遠罪也 韓詩外傳曰藍有

青而絲假之青於藍地有黃而絲假之黃於地藍青地

黃猶可假仁義之事不可假乎萬乘之主獨不知假天

下俊士與之為伍 史記平準書曰山東被水菑民多

飢乏於是天子遣使者虛郡國倉廩

音贈

以振貧民猶不

足又募豪富人相貸假尚不能相救乃徙貧民於關以

西及充朔方以南新秦

地名

中七十餘萬口衣食皆仰食

縣官數歲假予產業使者分部護之冠蓋相望 前漢

書武帝紀曰元狩三年遣謁者勸有水災郡種宿麥

師古

曰秋冬種之經歲
乃熟故云宿麥

舉吏民能假貸貧民者以名聞 後

漢書鄭興傳曰孔子曰惟名與器不可以假人不可以
假人者亦不可以假於人也

乞假二

增左傳曰晉荀息請以屈產之乘垂棘之璧假道於虞
以伐虢 韓詩外傳曰百里奚齊之乞者也逐於齊西
無以進自賣五羊皮為一軛見秦繆公立為相遂霸西
戎 春秋曰晉侯使卻錡來乞師穀梁傳曰乞重辭也

古之人重師故以乞言之也 左傳曰孫桓子還於新

築不入遂如晉乞師臧宣仲亦如晉乞師皆主卻獻子

又曰晉侯使申公巫臣如吳假道於莒 韓詩外傳

曰孔子侍坐於季孫季孫之宰通曰君使人假馬其與之乎孔子曰吾聞君取於臣謂之取不曰假季孫悟告宰通曰今以往君有取謂之取無曰假孔子曰正假馬之言而君臣之義定矣 左傳曰衛侵齊與齊師遇新築人仲叔于奚救孫桓子桓子是以免既衛人賞之以

邑辭請曲縣繁纓以朝許之仲尼聞之曰惜也不如多
與之邑唯名與器不可以假人君之所司也 家語曰
孔子將行雨而無蓋門人曰商也有之子曰商之為人
也甚短於財吾聞與人交推其長者違其短者故能久
也 史記孟嘗君傳曰孟嘗君相齊其舍人魏子為孟
嘗君收邑入三反而不致一入孟嘗君問之對曰有賢
者竊假與之以故不致入 王翦傳曰王翦將六十萬
人伐荆始皇送自至灞上王翦行請美田宅園池甚衆

始皇曰將軍行矣何憂貧乎王翦曰為大王將有功終不得封侯故及大王之嚮臣臣亦及時以請園池為子孫業耳 陳丞相世家曰張負以女孫子陳平為平貧乃假貸幣以聘予酒肉之資以納婦 古今注曰不借者草履也以其輕賤易得人人自有不假借於人故名不借也又漢文帝履不借視朝 史記滑稽列傳曰武帝少時東武侯母常養帝帝壯時號之曰大乳母乳母上書曰某所有公田願得假倩之帝曰乳母欲得之乎

以賜乳母 前漢書朱買臣傳曰買臣隨上計吏為卒

將重車至長安詣闕上書書久不報待詔公車糧用乏
上計吏卒更乞匄之 陳湯傳曰湯少好書博達善屬

文家貧匄貸無節不為鄉里所稱 後漢書曰和帝五

年二月詔京師離宮果園上林廣成圃悉以假貧民恣

得採捕不收其稅 樊宏傳曰宏嘗欲作器物先種梓

漆時人嗤之然積以歲月皆得其用向之笑者咸求假

焉 朱舊傳曰時同郡周規辟公府當行假郡庫錢百

萬以為冠幘費而後倉卒督責規家貧無以備舊乃竊
母繒帛為規解對 郭林宗別傳曰林宗家貧初欲遊
學無資就姊夫貸五千錢乃遠至成臯從師受業 天
中記曰漢有人家富性儉嗇或從之求濟者不得已入
內取錢十自堂而出隨步輒減比至於外才餘半在閉
目以授乞者尋復囑云我傾家贍君慎勿他說 世說
曰晉梁王趙王國之近屬貴重當時裴令公歲請二國
租錢數百萬以恤中表之貧者或譏之曰何以乞物行

惠裴曰損有餘補不足天之道也 搜神記曰吳時有

徐光者嘗行術於市里從人乞瓜其主弗與便從索辦

杖地種之俄而瓜生蔓延生花成實乃取食之因賜觀

者驚者反視所出賣皆亡耗矣 晉書阮裕傳曰裕在

剡曾有好車借無不給有人葬母意欲借而不敢言後

裕聞之乃歎曰吾有車而使人不敢借何以車為遂命

焚之 顧愷之傳曰愷之為殷仲堪參軍仲堪在荊州

愷之嘗因假還仲堪以布帆借之至破冢遭風大敗愷

之與仲堪賤曰地名破冢真破冢而出行人安穩布帆
無恙 晉陽秋曰羅友襄陽人少好學不持節檢性嗜
酒當其所遇不擇士庶又好伺人祠往乞餘食雖復營
署壚肆不以為羞桓溫嘗責之曰君太不逮須食何不
就身求乃至於此友傲然不屑答曰就公乞食今乃可
得明日已復無溫大笑之始仕荊州後在溫府以家貧
乞祿溫雖以才學過人而謂其誕肆非治民才許而不
用 史緯沈約傳曰約少時孤貧丐於親黨得米數百

斛為宗人所侮覆米而去及貴不以為憾 梁書曹景

宗傳曰景宗嗜酒好樂臘月於宅中使作邪呼逐除遍
往人家乞酒食本以為戲而部下多剽輕因弄人婦女
奪人財貨高祖頗知之景宗懼乃止 新唐書郭震傳

曰震字元振以字行與薛稷趙彥昭同為太學生家嘗
送資錢四十萬會有褻服者叩門自言五世未葬願假
以治喪元振舉與之無少吝一不質名氏稷等歎駭

唐元稹杜甫墓銘曰甫嗣子曰宗武病不克葬歿命其

子嗣業嗣業貧乞句以給喪去子美歿後餘四十年然
後卒先人之志亦足為難矣 山堂肆考曰白樂天就
裴晉公乞馬裴贈以一馬戲為詩曰君若有心求逸足
我還留意在名姝蓋用愛妾換馬事白即答云安石風
流無奈何欲將赤驥換嬌娥不辭便遂東山志臨老無
人與唱歌 雲溪友議曰于頔鎮襄陽鄭大穆以書投
之曰分千樹一葉之影即是濃陰減四海數滴之泉便
為膏澤于公依索數半與之 輟耕錄曰乞求蓋謂正

欲如是也然唐時已有此言王建宮詞只恐他時身到此乞求自在得還家又花蕊夫人宮詞種得紅柑纔結子乞求自過與君王 宋史范諷傳曰諷為翰林侍讀學士復改閣學士給事中知兗州龐籍彈諷既出兗州乃紿言貧假翰林白金器數千兩自隨 錢顗傳曰顗自衢徙秀州家貧母老至丐貸親舊以給朝晡而怡然無謫官之色 宋紀曰寇準貶雷州李迪貶衛州始議竄逐王曾疑太重丁謂熟視曾曰居停主人恐亦未免

耳蓋指曾嘗以第舍假準也 東坡志林曰杜衍為相

蔡襄孫之翰為諫官屢乞出仁宗云卿等審欲得郡盍
自奏其所欲於是蔡除福州之翰安州杜云諫官無故
出終非美事乞且仍舊上可之 墨莊漫錄曰蘇子由

在政府子瞻為翰苑有一故人與子由兄弟有舊者來
干子由久而未遂一日來見子瞻云望內翰一言為助
公徐曰舊聞有人貧甚乃謀伐冢遂破一墓見一人裸
而坐曰爾不聞漢世楊王孫乎裸葬以矯世無物以濟

汝也復鑿一冢用力彌艱既入見一王者曰吾漢文帝也遺制壙中無納金玉器皆陶瓦何以濟汝復見有二冢相連乃穿其在左者久之方透見一人曰我伯夷也瘠羸面有飢色餓於首陽之下無以應汝之求其人歎曰用力之勤無所獲不若更穿西冢或冀有得也瘠羸者謂曰勸汝別謀於他所汝視我形骸如此舍弟叔齊豈能為人也故人大笑而去宋史薛向傳曰御史陳洎行邊向詣洎云三司貸龍門富人錢以百年全盛之

天下一方有警即稱貸於民非義也洎上其說從之

鄧綰傳曰綰慮安石去失勢乃上言錄安石子及壻仍

賜第京師帝以語安石安石曰綰為國司直而為宰臣

乞恩澤極傷國體當黜王廣淵傳曰廣淵以方春農

事興而民苦乏兼并之家得以乘急要利乞留本道錢

帛五十萬貸之貧民歲可獲息二十五萬從之其事與

青苗錢法合安石始以為可用宋無吟嘯集曰陳亮

家貧辛棄疾帥淮時與談天下事歷言南北利害宿亮

於齋中亮思棄疾謹言必思其悞將殺我以滅口遂竊
駿馬而逃月餘亮致書假十萬緡以濟食棄疾如數與
之

乞假三

原借乘

假蓋

論語有馬者借人乘之
康與山濤書曰仲尼不假蓋於子夏護

晉書嵇康傳

其短也

增亦無幾求

何至自苦

左傳子太叔子羽謂
子產曰韓子亦無幾

求晉國亦未可以貳
史記司馬相如傳相如歸成都
家居徒四壁立文君久之不樂曰長卿第俱如臨邛從
昆弟假借猶足為
生何至自苦如此

役使千家

還請五輩

史記酷吏
傳寧成出

關歸家稱曰仕不至二千石賈不至千萬安可比人乎
乃貰貸買陂田千餘頃假貧民役使數千家 又王翦
傳始皇用王翦伐荆翦既至關使使還請
善田者五萬畝或曰將軍之乞貸亦已甚矣 徒跣被髮

敝衣毀容

越絕書子胥徒跣被髮乞於吳市三日市
正疑之而道於闔閭闔閭曰吾聞楚王殺

其臣伍奢而非其罪其子子胥勇且智必經諸侯之邦
以報其父仇此必子胥也乃召之 宋史張永德傳周

太祖初為侍衛吏與永德父穎善乃以女妻永德永德
迎其母妻詣宋州時寇賊充斥乃易敝衣毀容儀居委

巷中有賊過即邀乞焉給曰此
卑田院耳賊即舍去由是免禍

愛護典籍

預貸俸

錢

顏氏家訓借人典籍皆須愛護先有缺壞就為補治
此亦士大夫百行之一也 裨史司門郎中王繕調

沂州錄事參軍時魯宗道方為司戶參軍家貧祿俸不
給每貸於王猶不足則又懇王預貸俸錢庫吏怨魯訴

於州并劾王王諭魯曰第歸罪某君無承也魯曰過實
自某公何辜馬王卒明魯不知而獨得私貸之罪魯深
愧不自容王處之
不知階級 豈有斗升

晉書張融傳融家貧

欲祿乃與從叔征北將軍永書曰昔求三吳一丞雖屬
舛錯今聞南康缺守願得為之融不知階級階級亦可
不知融政以求丞不得所以求郡求郡不得亦可復求
丞
莊子周昨來有中道而呼者顧視車轍中有鮒魚
馬周問之曰鮒魚來子何為者耶對曰我東
海之波臣也君豈有斗升之水而活我哉
慮有德

色 幸分餘光

漢書賈誼傳借父耰鋤慮有德色 史記甘茂曰臣聞貧人女與富人女會績

貧人女曰我無以買燭而子之燭光
幸有餘可分我餘光無損子明也

遺馬貸錢 借

騾償直

後漢書梁冀傳扶風人士孫奮居富而性吝冀因以馬乘遺之從貸錢五十萬奮以三十萬與

之冀大怒 元史同恕傳有里人借驛而死償其直不受曰物之數也何以償為

憤墮几上

券投池中

世說劉慶孫在太傅府於時人士多為所構唯庾子嵩縱心事外無迹可聞後以其

性吝家富說太傅令換千萬冀其有吝於此可乘太傅於眾坐中問庾庾時頽然已醉憤墮几上以頭就穿取徐答云下官家故可有两娑千萬隨公所取於是乃服明祝允明語怪濟瀆祠有大池凡欲假於神者禱而卜之神許則以券投池中良久銀浮水面如其數貿易則利加倍如期設祭歸其子本銀沒而券浮如不許則投券入水頃之券復浮還

乞食五鹿

指米一囤

左傳

牛馬百物皆可假借云

晉公子重耳出於五鹿乞食於野人野人與之塊子犯曰天賜也稽首受而載之三國志魯肅傳周瑜為居

巢長將數百人候肅并求資糧肅家有兩國來各三千斛肅乃指一囤與周瑜

晉假羽旄

吳呼庚癸

左傳合諸侯於召陵晉人假羽旄於鄭鄭人與之明日或拂以會又吳申叔儀乞糧於

公孫有山氏曰佩玉璫兮余無所繫之旨酒一盛兮余與褐之父睨之對曰梁則無矣羸則有之若登首山以

呼曰庚癸乎則諾

與之折券

無復勝綿

金史時立愛傳立愛父承謙以財雄

鄉里歲饑發倉廩賑貧乏假貸者與之折券世說謝萬就太傅乞裘自云畏寒太傅答曰君妄語正欲以為

豪具耳若畏寒無復勝綿者乃以三十斤綿與萬

逸少不節

杜篤無厭

世說

王右軍為會稽內史謝公就乞箋紙右軍檢校庫有九萬悉以乞謝公桓宣武聞之曰逸少不節顏氏家訓

杜篤乞假無厭

持琴執板

輸粟汎舟

世說補韓熙載肆情坦率不持名檢妓樂

百數人日與荒樂所得月俸散與諸姬熙載敝衣芒屨作瞽者持獨絃琴俾舒雅執板挽之隨房乞食以為笑

樂左傳晉饑乞糴於秦秦輸粟於晉自雍及絳相繼命之曰汎舟之役

魯公乞米于

頓買山

錦繡萬花谷王文正公得顏魯公乞米墨帖乃刻石以遺親友雲溪友議符山人投襄陽于

頓乞買山錢公與之仍加衣服

不受錢帛

更取單衣

晉書董京傳京宿白社中

時乞於市得殘碎繒絮結以自覆全帛佳綿則不肯受或見推排罵辱曾無怒色又王戎傳從子將婚戎遺其一單衣婚訖而更責取

乞假四

原辟假許田

春秋公會鄭伯於垂鄭伯以辟假許田

内外不通

禮内外不通假

借注別嫌疑也

增食鵞求餘

晉書劉毅傳初江州刺史庾悅曾至京口毅時甚屯宴先就府

借東堂與親故出射而悅後與僚佐徑來詣堂毅告之
曰毅輩屯否之人合一射甚難君於諸堂並可望以今
日見讓悅不許射者皆散唯毅留射如故既
而悅食驚毅求其餘悅又不答毅常銜之
何如卿

兄世說孝武問王夷卿何如卿兄王答曰風
流秀出臣不如蔡忠孝亦何可以假人

植高二

尺杜陽雜編李可及乞假為子娶婦上曰即令送酒朱
以助汝嘉禮可及至舍見一中使監二銀槓各高二
尺餘宣賜可及始謂之
當就仁祖世說王修齡嘗在
酒及啓封皆實中也
東山甚貧乏陶胡

奴為烏程令送一船米遺之却不肯取直答曰王
修齡若飢自當就謝仁祖索食不須陶胡奴米

不

為立傳

世說陳壽將為三國志謂丁梁州曰若獲千斛
米見借當為尊公作佳傳丁不與米遂不為立

傳
歲取千匹蜀志漢文帝時以鐵銅賜鄧通通假民

卓王孫歲取千疋故王孫富累巨萬億

鄧通錢亦盡天下

破魚得刀

陶潛搜神記錢塘杜子恭有秘術嘗就人借瓜刀其主求之子

恭曰當即相還耳既而刀主行至嘉

墓能出物

稗史廉頗

興有魚躍入船中破魚腹得瓜刀

墓能出物

稗史廉頗

墓在趙州能出物以借人凡宴客無器用者以雞黍祀

馬焚其券夜往取之隨券所書一一可得宴畢復設奠焚券陳所借物於墓所使人坐守之入夜隱去神怪莫測

乞假五

增詩魏武謠俗詞曰甕中無斗儲發篋無尺綵友來從我貸不知所以應 晉陶淵明乞食詩曰饑來驅我去不知竟何之行行至斯里叩門拙言詞主人解余意遺

贈副虛期談話終日夕觴至輒傾卮情欣新知懽言詠

遂賦詩感子漂母惠愧我非韓才銜戢知何謝冥報以
相貽 唐杜甫從蕭隄覓桃栽詩曰奉乞桃栽一百根
春前為送浣花邨 又遊何將軍園林詩曰刺船思郢

客解水乞吳兒 宋黃山谷詩曰君不見公車待詔老
訴諧飢來索米長安街君不見杜陵白頭在同谷夜提
長鑿掘黃獨文人古來例寒餓安得野蠶成繭天雨粟
增雜文宋黃山谷題東坡字後曰東坡極不惜書然不

可乞有乞書者正色詰責之或終不與一字

賤一

原釋名曰賤踐也卑下見踐履也 博雅曰賤卑也

易曰以貴下賤大得民也 書曰明明揚側陋 詩曰

舟人之子熊羆是裘私人之子百僚是試 禮記曰宗

廟之祭賤者獻以散

五升也

又曰問士之子長曰能典

謁矣幼曰未能典謁也問庶人之子長曰能負薪矣幼

曰未能負薪也

左傳曰華門圭竇之人而皆凌其上

難為上矣 漢賈誼曰履雖鮮不加於枕冠雖敝不以

苴履 桓寬鹽鐵論曰諛諛者賤也 王符潜夫論曰

夫處卑下之位懷北門之殷憂內見謫於妻子外蒙譏
於士夫嘉會不從禮餞御不逮衆貨財不足以合好力
勢不足以杖急懽欣久交情好曠而不接則人無故自
廢疎矣漸疎則賤者逾自嫌而引退貴人逾務黨而忘
之夫以逾疎之賤沈於下流而望日忘之貴此谷風所
為摧傷也 論衡曰命賤從貴位自危 宋東萊子曰

居賤惡勞禍之招也天下之理賤不與勞期而勞自至
知其不可離而欲離之此自投於禍也君子以為勞者
賤之常自處於勞則在賤而安之矣 又曰當貧賤之
時人之陵我者非陵我也陵賤者也 明方正學曰有
士者之子孫不能修身篤行則屈為僮隸而公卿將相
常發於隴畝聖賢之世不能傳其道業則厝乎恒人而
搢紳大儒多興於賤宗

賤二

增論衡曰夏后孔甲田於東蓂山天雨晦冥入於民家
主人方乳或曰後來之子必貴或曰不勝之子必賤孔
甲曰為余子孰能賤之遂載以歸析轅斧斬其足卒為
守者 史記曰伊尹欲行道以致君而無由乃為有莘
氏之媵臣負鼎俎以滋味說湯 論衡曰伊尹箕子才

俱也伊尹為相箕子為奴 史記曰殷武丁夜夢得聖
人名曰說以夢所見視羣臣百吏皆非也於是乃使百
工營求之野得說於傅險中是時說為胥靡築於傅險

胥靡聯繫相從
復役囚徒之名

鵠冠子曰伊尹酒保太公屠牛管子

作革百里官奴 論衡曰長沮桀溺避世隱居伯尼於

陵去貴取賤非其志也 左傳曰齊侯使管忌吾平戎

於王王以上卿之禮饗管仲管仲辭曰臣賤有司也有

天子之二守國高在若節春秋來承王命何以禮焉受

下卿之禮而還 史記曰晉獻公既擄百里奚為秦穆

公媵於秦 左傳曰晉襄公卒靈公少晉人以難故欲

立長君賈季曰不如立公子樂辰羸嬖於二君立其子

民必安之趙孟曰辰嬴賤班在九人其子何震之有

注母

賤則其子無威也

又曰魯叔姁聘於宋桐門右師見之語卑

宋大夫而賤司城氏昭子

即叔孫姁

告其人曰右師其亡乎

君子貴其身而後能及人是以有禮今夫子卑其大夫而賤其宗是賤其身也能有禮乎 戰國策曰伍子胥

索載而出昭闕夜行晝伏至於菱夫

地名

無以餌其口坐

行蒲服

匍匐困故

乞食於吳市

國語曰諸稽郢行成于

吳曰勾踐請盟一介嫡女執箕帚以眩姓於王宮

眩音該備

也曲禮曰納女於天子曰備百姓

一介嫡男奉樂匱以隨諸御 戰國

策曰齊宣王見顏觸左右謂觸曰今夫士之高者乃稱
匹夫徒步而處農畝下則監門閭里士之賤也亦甚矣
又曰齊人有馮煖者使人屬孟嘗君願寄食門下孟
嘗君曰客何好曰客無好也曰客何能曰客無能也孟
嘗君笑而受之曰諾左右以君賤之也食以草具 史
記平原君傳曰平原君樓臨民家有躡者樂散行汲平
原君美人樓上臨見大笑之躡者至平原君門曰士不

遠千里而至者以君能貴士而賤妾也臣不幸有疲癯
之疾君之後宮臨笑臣臣願得笑臣者頭平原君不殺
歲餘賓客舍人稍稍引去者過半平原君怪之門下一
人曰以君為愛色而賤士士乃去耳揚子雲曰秦之
士也賤史記蒙恬傳曰趙高者諸趙疏遠屬也趙高
昆弟數人皆生隱宮其母被刑戮世世卑賤漢書曰
蕭何曹參皆起秦刀筆吏史記樊鄴滕灌列傳曰舞
陽侯樊噲者沛人也以屠狗為事公孫弘卜式傳曰

卜式拔於芻牧宏羊擢於賈豎衛青奮於奴僕日磾出
於降虜斯亦版築飯牛之朋矣 宋蘇洵曰趙廣漢河
間之郡吏也尹翁歸河東之獄吏也張敞太守之卒史
也王尊涿郡之書佐也是皆雄俊明博出之可以為將
而內之可以為相者也而皆出於吏胥之中 漢紀曰
馬援少時以家用不足辭其兄况欲就邊郡田牧况曰
汝才大當晚成良工不示人以樸且從所好遂之北地
田牧 後漢書吳漢傳曰漢家貧給事縣為亭長王莽

末以賓客犯法乃亡命至漁陽資用乏以販馬為業往來燕薊間 裨史曰孔嵩字仲山家貧親老乃變姓名傭為新野阿里街卒友人范式行部到新野而縣選嵩為導騎迎式式見而識之呼嵩把臂曰子非孔仲山耶吾嘗與子俱曳長裾游息太學吾蒙國恩致位牧伯而子懷道隱身處於卒伍不亦惜乎嵩曰昔侯嬴長守於賤業農門肆志於抱關子居九尺不患其陋豈為鄙哉式敕縣令代嵩嵩以先傭未竟不肯去 三國楊俊傳

曰王象少孤特為人僕隸年十七八見使牧羊而私讀
書因被箠楚 晉紀曰陶侃都督荊州諸參佐有以談
戲廢事者命取其酒器蒲博之具悉投之於江將吏悉
加鞭扑曰撝撝者牧豬奴戲耳 晉書皇甫謐傳曰陽
城太守梁柳謐從姑子也當之官人勸謐餞之謐曰柳
為布衣時過我我迎送不出門食不過鹽菜貧者不以
酒肉為禮今作郡而送之是貴陽城太守而賤梁柳豈
中古人之道是非吾所安也 南史宋高祖本紀曰高

祖微時躬耕於丹徒及受命耨耜之具頗有存者皆命藏之以留於後 彙苑曰王顯與唐太宗有舊帝微時

嘗戲顯曰王顯抵老不作繭及帝登極而顯謁因奏曰臣今日得作繭耶帝笑曰未可知也召其三子皆授五品顯獨不及謂曰卿無貴相朕非為卿惜也時僕射房元齡曰陛下既有龍潛之舊何不試與之帝與之三品官更取紫袍金帶錫之其夜卒 唐紀曰張元素出自寒微嘗為刑部令史上嘗對朝臣問其門戶元素深以

為恥孫伏伽亦嘗為令史及貴或於廣坐自陳一無所
隱唐書裴子餘傳曰子餘為左臺監察御史涇岐有
隋世番戶子孫數千家司農卿趙履溫奏籍為奴婢充
賜口子餘曰官戶以恩原為番戶且今又子孫可抑為
賤乎陸羽傳曰羽不知所生或言有僧得諸水濱幼
時其師教以旁行書答曰終鮮兄弟而絕後嗣得為孝
乎師怒使執糞除圻填以苦之又使牧牛三十羽潛畫
牛背為字得張衡南都賦不能讀危坐効羣兒囁嚅若

成誦狀師拘之令雜草莽當其記文字懞懞若有遺過
日不作主者鞭苦因歎曰歲月往矣奈何不知書嗚咽
不自勝因亡去匿為優人作詆諧數千言 五代史朱
守殷傳曰守殷少事唐莊宗為奴名曰會兒莊宗讀書
會兒常侍左右 山堂肆考曰宋韓世忠少時為省倉
負米之役家貧無生業嗜酒豪縱不拘繩檢人呼為韓
潑五 宋紀曰徐積為楚州教授每升堂訓諸生曰諸
生欲為君子而使鄉人賤之父母惡之如此而不為君

子猶可也鄉人榮之父母欲之諸君何不為君子 遼

史蕭博諾傳曰博諾幼孤貧傭於醫家牧牛傷人稼數
遭笞辱醫者常見博諾熟寐有蛇遶身異之教以讀書
元史阿爾哈雅傳曰阿爾哈雅嘗躬耕舍耒歎曰大
丈夫當立功朝廷何至效細民事畎畝乎 明紀編年

曰張士誠因亂據高郵稱王初為鹽場牙僧與弟士德
士信俱以夾帶私鹽緣為奸利 一統志曰明王珪合
肥人少為淮西廉訪司隸卒見官長儀衛尊崇輒慨然

歎曰將相無種在人為耳

賤三

增吹簫

負鉞

史記周勃世家勃以織薄曲為生常為人吹簫給喪事金崔立傳立少貧無

行嘗為寺

餅師

鞍兒

唐陳敬瑄傳敬瑄少賤為餅師金布薩安貞傳楊安國

僧負鉞

自少無賴以鬻鞍材為業市人

滌器

操舟

史記司馬相如

呼為楊鞍兒遂自名楊安兒

傳相如與文君俱之臨邛盡賣其車騎買一酒舍酤酒

而令文君當爐相如身自著犢鼻褌與保庸雜作滌器

於市中唐南霽雲傳

賣履

結襪

晉紀劉裕勇健有大志僅識文

霽雲少微賤為人操舟

字以賣履為業好搏捕為鄉里所賤漢張釋之傳王

生者善為黃老言嘗召居廷中公卿盡會立王生老人

曰吾襪解顧謂釋之為我結襪釋之跪而結之既已人或讓王生獨奈何廷辱張廷尉如此王生曰吾老且賤自度終無益於張廷尉廷尉方天下名臣吾故聊使結襪欲以重之

原樂道而忘妨

貴為逆

文子樂道而忘賤傳賤妨貴所謂六逆

左

增以為君子

此皆

聖人

晏子晏嬰之晉至中年睹弊冠反裘負芻息於塗側者以為君子也使人問焉答曰吾越石父也為

人臣僕於中年見使將歸晏子曰何為人僕對曰不免凍餓之切吾身是以為僕也韓非子說難伊尹為宰百里奚為鹵皆所以干其上也此二人者皆聖人也然猶不能無役身以進如此其污也敬兒擔

水

魏勃埽門

南史齊張敬兒傳敬兒家貧每休暇輒傭賃自給嘗為城東吳泰家擔水史

記齊悼惠王世家魏勃少時欲求見齊相曹參家貧無以自通乃常獨早夜埽齊相舍人門外

髡鉗

為奴

賃春居廡

前漢書季布傳項籍使布將兵數窘漢王項籍滅高祖購求布布匿漢陽

周氏周氏乃髡鉗布衣褐衣置廣柳車中并與其家僮數十人之魯朱家所賣之司馬遷曰季布為朱家鉗奴

後漢梁鴻傳鴻家貧而尚節介至吳依皋伯通居廡下為人賃春

蒼頭稱異

漆工

見奇

晉熊遠傳遠祖翹嘗為石崇蒼頭而性廉直有士風黃門郎潘岳見而稱異勸崇免之乃還鄉里

後漢申屠蟠傳蟠字子龍家貧傭為漆工郭林宗見而奇之

狸乳鸚鵡

狗盜雞

鳴搜神記齊惠公之妾蕭同叔子見御有身以其賤不敢言也取薪而生頃公於野又不敢舉也有狸乳而

鸚鵡覆之人見而收因名曰無野是為頃公宋王安石讀孟嘗君傳孟嘗君擅齊之強得一士馬宜可以南面

而制秦尚何取雞鳴狗盜之力哉

嘗黥作卒

但乞為奴

五代東漢世家劉崇

為人美鬚髯目重瞳子少無賴嗜酒好博嘗黥為卒
唐杜甫哀王孫詩可憐王孫泣路隅問之不肯道姓名
但道困苦
趙岐賣餅 灌嬰販繒 後漢書趙岐逃難
乞為奴 江淮間匿名賣餅

北海市中

山堂肆考灌

執籥秉翟

屠牛盜驢

詩左

嬰睢陽人以販繒為業

手執籥右手秉翟注衛之賢者不得志而仕於伶官故
作是詩 五代前蜀世家王建字光圖為人隆眉廣額

狀貌偉然少無賴以屠

得免笞罵

無所因階

漢衛

牛盜驢販私鹽為事

青為所生父鄭季牧羊民母之子皆奴畜之有鉗徒相

青曰貴人也青笑曰人奴之生得無笞罵足矣 論衡

邱山易以起高淵洿易以為

屠狗為生

織屨以給

深起於微賤無所因階者難

五代史唐景思傳景思幼善角觝以屠狗為生 漢翟

方進傳方進家世微賤年十二三失父給事太守府為

小史號遲頓不及事數為掾史所詈辱方進自傷因病歸家辭其後母欲西至京師受經母憐其幼隨之長安織履以給

東山狗鬪

南園犬吠

北史魏收傳收既輕疾好聲樂善胡舞文宣末

數於東山與諸優為獼猴與狗鬪帝寵狎之宋紀趙師纂諂附韓侂冑無所不至侂冑嘗過南園山莊顧竹籬草舍謂師纂曰此真田舍間氣象但欠犬吠鷄鳴耳俄聞犬吠視之乃師纂也飯牛車下

牧豕澤中

漢鄒陽傳百里奚乞食於道路甯戚飯牛車下後漢書吳祐傳祐嘗牧豕於長垣

澤中行吟經書遇父故人謂曰卿二千石子而自業賤事縱子無恥奈先君何祐辭謝而已

少依

李讓

幼賣劉熊

五代南平世家高季興少為汴州富人李讓家僮元羊仁傳俞全杭州

人幼被掠賣為劉熊家奴後獲為良自汴步歸杭尋其母及姊得之事母以孝聞

不覺屈膝

乃欲伸眉

宋紀許及之為吏部尚書諂事韓侂胄尤甚居二年不遷見侂胄流涕叙其知遇之

意衰遲之態不覺屈膝侂胄憐之改同知樞密院事

漢司馬遷報任少卿書向者僕嘗廁下大夫之列陪奉

外廷末議不以此時引網維盡思慮今已虧形為埽除

之隸在閭葦之中乃欲仰首伸眉論列是非不亦輕朝

廷羞當世

尚有餘臭 竊所不取

南史到溉傳溉歷御史中丞都官左

之士耶

民二尚書時何敬容以令參選事有不允溉輒相執敬

容謂人曰到溉尚有餘臭遂學作貴人溉祖彥之初以

擔糞自給故世以為譏云後漢郭憲傳憲少師事東

海王仲子時王莽召仲子仲子欲往憲諫曰禮有來學

無往教之義今君賤

令相東作 速反慙肆

明人物志唐杜

道畏貴竊所不取

荀鶴本牧之子牧嘗鎮秋浦妾有孕妻逐之以嫁長林

鄉農杜筠而荀鶴生七歲家人令相東作荀鶴怒曰吾

宜耕夫耶 梁呂僧珍傳僧珍為南充州刺史兄子宏以販蔥為業僧珍既貴乃棄業欲求州官僧珍曰吾荷國重恩無以報効汝等自有常分 尚書由竇公子豈可妄求叨越但當速反蔥肆耳

引車

宋紀韓侂胄常值生辰羣公畢集吏部尚書許及之後至閤人掩闕拒之及之大窘會門闢未及閉

遂俯僂而入當時稱為由竇尚書 史記侯嬴謂信陵君曰臣有客在市屠中願枉車騎過之公子引車入市

侯生下見其客朱亥

非世家不名

與大諫同名

晉光逸傳逸舉孝廉為州

從事棄官投胡毋輔之輔之時為太傅越從事中郎薦

逸於越越以門寒而不召越後因閑宴責輔之無所舉

薦輔之曰前舉光逸公以非世家不召非不舉也 宋

紀程松為諫議大夫滿歲未遷意殊怏怏乃獻一妾於

韓侂胄名之曰松壽侂胄曰奈何與大 布為酒家保

諫同名松曰欲使賤姓名常蒙記憶耳

憲乃牛醫兒

漢樂布傳布梁人窮困賣庸於齊為酒家保後漢書汝南黃憲世貧賤父為

牛醫同郡戴良才高倨傲而見憲未嘗不正容及歸罔然若有失也其母問曰汝復從牛醫兒來耶

賤四

原白屋

白帖周公下白屋之士

馬韉

又蘇秦先貴張儀來謁坐於馬韉而食之

增

守磨

山堂肆考晉魏舒先遲鈍雖叔父猶不知之使守水磨舒亦不以介意

甕牖繩樞

史記陳涉甕牖繩樞之子叱隸之人

若為傭耕

又陳勝嘗與人傭耕曰苟富貴無相忘傭者笑

曰若為傭耕何富貴也

責讓主人

後漢梁鴻傳鴻家貧牧豕上林苑中曾誤遺火延及他舍

悉以豕償之其主猶以為少鴻願以身居作主人許之因為執勤不懈隣家耆老見鴻非恒人乃共責讓主人

而稱鴻長者

丁君十紙

顏氏家訓梁孝元前在荊州有丁

隸孝元書記一皆使之軍府輕賤多未之重恥令子弟以為楷法時云丁君十紙不敵王褒數字

洒

削販脂

史記貨殖傳販脂辱處也而雍伯千金洒削薄技也而郅氏鼎食如淳注削洗謂作刀劍削也

晉國大駟

後漢郭泰傳段干木晉國之大駟注牙僧狡捷者曰駟

求盜亭父

山堂肆考漢任安少孤貧因為人將車之長安家於武功代人為求盜亭父按亭父即亭卒也亭有兩卒一為亭父掌關閉掃除一為求盜掌逐捕盜賊

賤五

增詩古詩曰人生寄一世奄忽若飈塵何不策高足先

據要路津無為守窮賤輒軻長苦辛 齊甯戚飯牛歌

曰南山斫白石爛生不逢堯與舜禪短衣單布適至骭

從昏飯牛薄夜半長夜漫漫何時旦 唐盧照隣詠史

詩曰季生昔未達身辱功不成髡鉗為臺隸灌園變姓

名 儲光羲詩曰野老本貧賤冒雨鋤瓜田一畦未及


終樹下高枕眠 高適留別洛下諸公詩曰蹇質蹉跎

竟不成年過四十尚躬耕長歌達者杯中物大笑前人

身後名

增賦漢禰衡鸚鵡賦曰託輕鄙之微命委陋賤之薄軀
期守死以報德甘盡辭以效愚

增書漢楊惲報孫會宗書曰惲幸有餘祿方糴賤販貴
逐什一之利此賈豎之事汙辱之處惲親行之下流之
人衆毀所歸不寒而栗雖雅知惲者猶隨風而靡尚何
稱譽之有



御定淵鑑類函卷二百八十八

欽定四庫全書

子部

欽定淵鑑類函卷二百

八十九
九十

詳校官內閣學士臣尹壯圖

主事臣祁韻士覆勘

總校官進士臣繆 琪

校對官主簿臣汪日章

謄錄監生臣周元梓

欽定四庫全書

御定淵鑑類函卷二百八十九

人部四十八 隱逸

隱逸一

增易曰龍德而隱者也 又曰隱而未見行而未成是

以君子弗用也 原又曰天地閉賢人隱 增又曰履

道坦坦幽人貞吉 又曰君子以獨立不懼遯世无悶

又曰肥遯无不利 詩曰考槃在澗碩人之寬獨寐

寤言永矢弗諼 原又曰衡門之下可以棲遲泌之洋

洋可以樂飢 增書曰君子在野 禮曰君子隱而顯

原又曰儒有上不臣天子下不事諸侯 增漢東方

朔傳曰世之處士魁然無徒廓然獨居 三國志管寧

傳曰龍鳳隱耀應德而臻明哲潛遯俟時而動 晉謝

安傳曰恬居塵外高謝人寰嘯詠山林遊泛江海當此

之時蕭然有凌霞之舉 宋纖傳曰名可聞而身不可

見德可仰而形不可覩 晉書曰君子之行殊塗顯晦

之謂也出則允釐世政以道濟時處則振拔囂埃以卑

自牧 南史孔淳之傳曰潛游者不識其水巢栖者不

辨其林飛沈所至何問其主 北史曰古之所謂隱逸

者蓋以恬淡為心不皁不昧安時處順與物無私者也

唐王績傳曰鳳不憎山棲龍不羞泥蟠君子不苟潔

以罹患不避穢而養精 元史隱逸傳曰古之君子負

經世之術度時不可為故高蹈以全其志 老子曰道

隱無名 原莊子曰古之所謂隱士者非伏其身而不

見也非閉其言而不出也非藏其知而不發也時命大
謬也 又曰刻意尚行離世異俗此山谷之士避世之
人也就藪澤處閒曠釣魚閒處無為而已矣此江海避
世之人閒暇者之所好也 增荀子曰隱於窮簷陋屋
三公不能與之爭名 黃石子曰君子潛居抱道以待
其時 楊子曰聖言聖行不逢其時聖人隱也賢言賢
行不逢其時賢者隱也談言談行不逢其時談者隱也
抱朴子曰棄赫奕之朝華避僨車之險路吟嘯蒼崖

之間而萬物化為埃氛怡顏豐柯之下而朱戶變為繩
樞握耒甫田而麾節忽若執鞭啜菽漱泉而太牢同乎
藜蓼泰爾有餘歡於無為之場忻然齊貴賤於不爭之
地含醇守樸無欲無憂全真噓氣居平味淡恢恢蕩蕩
與渾成等其自然 漢黃憲外史曰士不遇于時而佯
狂以自樂則蔬食飲水甘於八珍敝裘麻屨逸於五乘
何則義與不義也易曰舍車而徒信乎徒不為恥矣
晉稽康養生論曰清虛靜泰少私寡欲知名位之傷德

故忽而不營 唐陳子昂曰放身霄嶺宴景雲林卑俗
不可得而問時士不可得而見高眠終古一笑昔人

又曰芝桂為伍麋鹿同曹軒裳鐘鼎如夢中也 韓愈

曰惟恐入山之不深入林之不密其影響昧昧惟恐聞
於人也 皮日休曰倨見青山傲視白雲得喪不可搖

其心榮辱不可動其志桎梏冠冕泥滓祿位 又鹿門

隱書曰古之隱也志在其中今之隱也爵在其中 又

曰鸛鷺不常見君子慕焉鸛鷺常見小人哺焉噫君子

之出處亦猶夫鵲鸞而已矣 明方孝孺曰有得乎道者內不汨於利欲外不嬰於世故則隨所處而足隨所至而安隨所寓而樂卉衣蔬食處乎林泉而忻然若都卿相之位

隱逸二

原莊子曰黃帝將見大隗於具茨之山方明為御昌寓參乘塗遇牧馬童子黃帝曰異哉請問為天下小童曰予少遊六合之內適有瞽病有長者教予乘日之車遊

于襄城之野今病少損將復遊六合之外為天下者予
奚事焉夫為天下亦奚異牧馬哉去其害馬而已黃帝
再拜稱天師而退 魏隸高士傳曰善卷者舜以天下
讓之卷曰予立宇宙之中冬衣皮毛夏衣絺葛日出而
作日入而息逍遙天地之間何以天下為哉遂入深山
莫知其所終 又曰石戶之農不知何許人與舜為友
舜以天下讓之石戶夫負妻戴攜子以入海終身不返
又曰伯成子高者唐虞之時為諸侯至禹去而耕禹

往趨而問之子高曰昔堯治天下至公無私不賞而民
勸不罰而民畏今子賞而不勸罰而不威德自此衰刑
自此作夫子盍行乎無落吾事俛俛乎耕而不顧增
晉皇甫謐高士傳曰許由字武仲隱於沛澤之中堯讓
天下於許由曰日月出矣而燭火不息其於光也不亦
難乎時雨降矣而猶浸灌其於澤也不亦勞乎夫子立
而天下治而我猶尸之吾自視缺然請致天下許由曰
子治天下天下既已治矣而我猶代子吾將為名乎名

者實之賓也吾將為賓乎鷦鷯巢於深林不過一枝偃鼠飲河不過滿腹歸休乎君子無所用天下為於是遁耕於中岳潁水之陽箕山之下堯又召為九州長由不欲聞之洗耳於潁水濱其友巢父牽犢欲飲之見由洗耳問之告以故巢父曰子若處高岸深谷人道不通誰能見子子故浮游欲聞求其名譽污吾犢口牽犢上流飲之

原魏隸高士傳曰壤父者堯時人年八十餘而擊壤於道中觀者曰大哉帝之德也壤父曰吾日出而

作日入而息鑿井而飲耕田而食帝何德於我哉 增
史記老子傳曰老子修道德其學以自隱無名為務居
周久之見周之衰乃遂去至闕闕令尹喜曰子將隱矣
強為我著書於是老子乃著書上下篇言道德之意五
千餘言而去莫知其所終 左傳晉侯賞從亡者介之
推不言祿祿亦弗及其母曰亦使知之若何對曰言身
之文也身將隱焉用文之是求顯也其母曰能如是乎
與汝偕隱遂隱而死 荆楚歲時紀按東方朔瑣語曰

晉文公時介子推逃祿自隱抱樹而死公撫木哀歎遂
以其木為履曰抱香履每懷從亡之功輒俯視其履曰
足下足下之稱亦自此始也 韓詩外傳曰楚莊王使
使齋金百斤聘北郭先生先生曰臣有箕帚之婦願入
計之謂婦曰楚欲以我為相今日相即結駟列騎食方
丈於前如何婦曰夫子以織屨為食食粥篋履無怵惕
之憂者何哉與物無治也今如結駟列騎所安不過容
膝食方丈于前所甘不過一肉以容膝之安一肉之味

而殉楚國之憂其可乎於是遂不應聘與婦去之 嵇

康高士傳曰顏闔者魯人也魯君聞其賢以幣聘焉闔

方布衣自飲牛使者問曰此顏闔家耶曰然使者致幣

闔曰恐聽誤而遺使者羞使者反復求之闔乃鑿垣而

遁 皇甫謐高士傳曰老萊子者楚人也逃世耕于蒙

山之陽莞葭為牆蓬蒿為室枝木為牀著艾為席飲水

食菽墾山播種人或言於楚王王於是駕至萊子之門

萊子方織畚王曰守國之政孤願煩先生老萊子曰諾

王去其妻樵還曰子許之乎老萊曰然妻曰妾聞之可食以酒肉者可隨而鞭撻可擬以官祿者可隨而銖鉞投其畚而去老萊子亦隨其妻至于江南而止曰鳥獸之毛可績而衣其遺粒足食也仲尼嘗聞其論而感然改容焉 又曰榮啓期鹿裘帶索鼓琴而歌孔子遊於泰山見而問之曰先生何樂也對曰吾樂甚多天生萬物惟人為貴吾得為人矣是一樂也男女之別男尊女卑故以男為貴吾既得為男矣是二樂也人生有不見

日月不免襁褓者吾既已行年九十矣是三樂也貧者
士之常死者民之終居常以待終何不樂也 又曰楚
王聞陸通賢遣使者持金百鎰車馬二駟往聘通曰王
請先生治江南通笑而不應使者去妻從市來曰先生
少而為義豈老違之哉門外車跡何深也妾聞義士非
禮不動妾事先生躬耕以自食親織以為衣食飽衣煖
其樂自足矣不如去之於是夫負釜甑妻戴絰器變名
易姓遊諸名山 又曰曾參字子與魯哀公賢之致邑

焉參辭不受曰吾聞受人者常畏人與人者常驕人縱
君不我驕我豈無畏乎終不受 嵇康高士傳曰玄唐
者晉人也高恪寡素晉國憚之公與玄唐坐有間唐出
叔向入平公伸一足曰吾向時與玄子坐腓痛足痺不
敢伸叔向勃然作色不悅公曰子欲貴乎吾爵子子欲
富乎吾祿子夫玄先生乃無欲也吾非正坐無以養之
子何不悅乎 皇甫謐高士傳曰列禦寇者鄭人也隱
居不仕鄭穆公時子陽為相專任刑法列禦寇乃絕跡

窮巷面有飢色或告子陽曰列禦寇蓋有道之士也居君之國而窮君無乃為不好士乎子陽聞而悟使官載粟數十乘而與之禦寇出見使者再拜而辭之入見其妻妻望之而拊心曰妾聞為有道之妻子皆得佚樂今有飢色君過而遺先生食先生不受豈非命也哉禦寇笑曰君非自知我也以人之言而遺我粟至其罪我也且又以人之言此吾所以不受也居一年鄭人殺子陽其黨皆死禦寇獨全 原魏隸高士傳曰段干木遊西

河守道不仕魏文侯就造其門干木踰垣而避之文侯以客禮待之出過其廬則式其僕問之文侯曰段干不移勢利隱處窮巷聲馳千里敢勿式乎又曰莊周為蒙縣漆園吏楚威王使大夫以百金聘之周方釣于濮水之上持竿不顧曰楚有神龜死三千歲矣巾笥而藏之於廟堂之上此龜寧無為留骨而貴乎寧生曳尾塗中乎大夫曰寧生而掉尾塗中耳莊子曰往矣吾方掉尾於塗中後齊宣王又以千金之幣迎周為相周曰子

不見郊祭之犧牛乎衣以文繡食以芻菽及其牽入太廟欲為孤豚其可得乎遂終身不仕 袁淑真隱傳曰鬼谷先生隱居韜智居鬼谷山因以為稱蘇秦張儀師之遂立功名先生遺書責之曰若二君豈不見河邊之樹乎僕御折其枝波浪盪其根上無徑寸之陰身被數千之痕此木豈與天地有仇怨哉所居然也子不見嵩岱之松柏華霍之檀桐乎上枝干於青雲下根通於三泉千秋萬歲不受斧斤之患此木豈與天地有骨肉哉

蓋所居然也 又曰鵷冠子隱居幽山衣被屢空以鵷
為冠莫測其名因服成號著書言道家馮諼常師事之
後顯於趙鵷冠子懼其薦已也乃與諼絕 魏隸高士
傳曰閭丘先生時齊宣王獵于社山社山父老十三人
相與勞王王賜父老不稅先生獨不謝曰願得壽得富
得貴夫選良吏平法度則臣得壽矣賑之以時則臣得
富矣令少敬長則臣得貴矣 增漢書曰漢興有園公
綺里季夏黃公角里先生此四人者當秦之世避而入

商洛深山以待天下之定也高祖聞而召之不至 皇

甫謚高士傳曰東郭先生者與其友梁石君俱修道隱
居不仕曹參為齊相范陽人蒯通為參客入見參曰婦
人有夫死三日嫁者有幽居守寡不出門者足下即欲
求婦何取曰取不嫁者通曰然則求臣亦猶是也彼東
郭先生梁石君齊之賢士也今隱未嘗卑節下意以求
仕願足下禮之參致禮聘二人終亦不仕 原魏隸高
士傳曰田生莞牀茅屋不肯仕宦惠帝親自往不出屋

增嵇康高士傳曰司馬季主者楚人也卜於長安漢文帝時宋忠賈誼為大中大夫誼曰吾聞聖人不居朝廷必在巫醫試觀卜肆中見季主閒坐弟子侍而論陰陽之紀二人曰觀先生之狀聽先生之辭世未嘗見也尊官高位賢者所處今何業之卑何行之汙季主笑曰觀大夫類有道術何言之陋夫相引以勢相導以利所謂賢者乃可羞耳夫內無飢寒之累外無劫奪之憂處上而有敬居下而無害君子之道也卜之為業所謂上

德也鳳凰不與燕雀為羣公等喁喁何知長者二人忽

忽不覺自失皇甫謐高士傳曰成公者自隱名嘗誦

經不交世利時人號曰成公成帝時出遊問之成公不

屈節上曰朕能富貴人能殺人子何逆朕哉成公曰陛

下能貴人臣能不受陛下之官陛下能富人臣能不受

陛下之祿陛下能殺人臣能不犯陛下之法上不能折

漢書曰龔勝死有老父來弔哭甚哀既而曰嗟虜薰

以香自燒膏以明自銷龔生竟天天年非吾徒也遂趨

而出莫知其誰 又曰谷口有鄭子真蜀有嚴君平皆

脩身自保非其服弗服非其食弗食成帝時元舅大將軍王鳳以禮聘子真子真遂不屈而終君平卜筮于成都市以為卜筮者賤業而可以惠衆人裁日閱數人得百錢足自養則閉肆下簾而授老子 後漢書周黨傳曰王莽竊位黨託疾杜門自後賊暴縱橫殘滅郡縣唯至廣武過城不入建武中徵為議郎以病去職遂將妻子居黿池復被徵不得已乃著短布單衣穀皮綃頭待

見尚書及光武引見黨伏而不謁自陳願守所志帝乃
許焉 王霸傳曰霸少有清節及王莽篡位棄冠帶絕
交宦建武中徵到尚書拜稱名不稱臣有司問其故霸
曰天子有所不臣諸侯有所不友以疾歸隱居守志茅
屋蓬戶連徵不至 謝承後漢書曰龍丘萇吳郡人隱
居太山以耕稼為業公車不應徵更始時任延年十九
為郡東部尉折節下士鍾離意為主簿自請萇為門下
祭酒敎曰龍丘先生清過夷齊志慕原憲都尉灑掃其

門猶懼辱之何召之有

後漢書嚴光傳曰光武備安

車元纁遣使聘之三反而後至車駕即日幸其館光卧

不起帝即其卧所撫光腹曰咄咄子陵不可相助為理

耶光又眠不應良久乃張目熟視曰昔唐堯著德巢父

洗耳士固有志何至相迫乎帝曰子陵我竟不能下女

耶於是升輿歎息而去復引光入論道舊故相對累日

帝從容問光曰朕何如昔時對曰陛下差增於往因共

偃卧光以足加帝腹上明日太史奏客星犯御座甚急

帝笑曰朕故人嚴子陵共卧耳除為諫議大夫不屈乃
耕於富春山後人名其釣處為嚴陵灘焉 原魏隸高
士傳曰班嗣世在京師家有賜書內足於財父黨揚子
雲以下莫不造門桓君山從借莊子嗣報曰今吾子貫
仁義之羈絆繫聲名之韁鑠伏孔氏之軌躅馳顏閔之
極摯何用大道為自眩曜昔有學步邯鄲者匍匐而歸
耳其行已持論如此遂終於家 又曰鄭仲虞不仕漢
章帝自往終不肯起曰陛下何惜不為上世君令臣得

為偃息之民天子以尚書祿終其身世號白衣尚書

增後漢書梁鴻傳曰鴻入霸陵山中以耕織為業詠詩

書彈琴以自娛仰慕前世高士而為四皓以來二十四

人作頌皇甫謐高士傳曰丘訢字季春扶風人也少

有大材傲世不能與俗人為羣郡召始見曰明府欲臣

訢耶友訢耶師訢耶明府所以尊寵人者極于功曹所

以榮祿人者已于孝廉皆訢所不用也府君異之遂不

敢屈又曰任棠字季卿以春秋教授隱身不仕龐參

為漢陽太守就家候之棠以薤一本水一盂置戶屏前
自抱孫兒伏戶下參因曰棠是欲諭太守也水欲太守
清也拔一本薤欲太守擊強宗也抱孫兒當戶者欲太
守開門恤孤也終參去不言詔徵不至及卒鄉人圖畫
其形至今稱任徵君也 後漢周勰傳曰時梁冀貴盛
被其徵命者莫敢不應唯勰前後三辟竟不能屈隱處
竄身慕老聃清淨杜絕人事巷生荆棘十有餘歲至延
熹二年乃開門延賓游談宴樂及秋而梁冀誅年終而

總卒時年五十蔡邕以為知命 徐穉傳曰穉常為太

尉黃瓊所辟不就及瓊卒歸葬穉乃負糧徒步到江夏
赴之設雞酒薄祭哭畢而去不告姓名時會者四方名
士郭林宗等數十人聞之疑其穉也乃選能言語生茅
容輕騎追之及於塗容為設飯共言稼穡之事臨訣去
謂容曰為我謝郭林宗大樹將顛非一繩所維何為栖
栖不遑寧處及林宗有母憂穉往弔之置生芻一束於
廬前而去林宗曰此必南州高士徐孺子也詩不云乎

生芻一束其人如玉吾無德以堪之 王符傳曰符字

節信少好學有志操隱居著書度遼將軍皇甫規解官
歸安定鄉人有以貨得鴈門太守者還家謁規規卧不
迎既入而問卿在郡食鴈美乎有頃又白王符在門規
素聞符名乃驚遽而起衣不及帶屣履出迎援符手而
還與同坐極歡時人為之語曰徒見二千石不如一縫
掖 法真傳曰順帝西巡田羽薦真帝虛心欲致前後
四徵君曰吾既不能遯形遠世豈飲洗耳之水哉遂深

自隱絕終不降屈友人郭正稱之曰法真名可得聞身
難得而見逃名而名我隨避名而名我追可謂百世之
師者矣 姜肱傳曰肱字伯淮中常侍曹節白徵肱為
太守肱得詔乃私告其友曰吾以虛獲實遂藉聲價明
明在上猶當固其本志況今政在閹豎夫何為哉乃隱
身遯命遠浮海濱再以元纁聘不就 申屠蟠傳曰太
尉黃瓊辟蟠不就及瓊卒歸葬江夏四方名豪會帳下
者六七千人互相談論莫有及蟠者唯南郡一生與相

酬對既別執蟠手曰君非聘則徵如是相見於上京矣
蟠勃然作色曰始吾以子為可與言也何意乃相拘教
樂貴之徒耶因振手而去不復與言再舉有道不就先
是京師游士汝南范滂等非訐朝政自公卿以下皆折
節下之太學生爭慕其風以為文學將興處士復用蟠
獨歎曰昔戰國之世處士橫議列國之王至為擁篲先
驅卒有阬儒焚書之禍今之謂矣乃絕迹於梁碭之間
因樹為屋自同傭人 龐公傳曰龐公居峴山之南未

嘗入城府荊州刺史劉表數延請不能屈乃就候之曰
夫保全一身孰若保全天下乎龐公笑曰鴻鵠巢於高
林之上暮而得所棲黿鼉穴於深淵之下夕而得所宿
夫趨舍行止亦人之巢穴也且各得其棲宿而已天下
非所保也因釋耕於壟上而妻子耘於前表指而問曰
先生苦居畝畝而不肯官祿後世何以遺子孫乎龐公
曰世人皆遺之以危今獨遺之以安雖所遺不同未為
無所遺也表歎息而去後遂携其妻子登鹿門山因采

藥不返 皇甫謐高士傳曰任安少好學隱居不營名

利時人號曰任孔子連辟不就建安中讀魯連傳歎曰
性以潔白為治情以得志為樂性治情得體道而不憂
彼棄我取與時無爭遂終身不仕 又曰韓順字子良

天水成紀人也以經行清白辟州宰不就王莽末隱於
南山順同縣隗囂等起兵自稱上將軍西州大震唯順
脩道山居執操不回囂使人齎璧帛卑辭厚禮聘順欲
以為師順謝使曰禮有來學義無往教即欲相師但入

深山囂聞矍然不敢強屈 北海耆舊傳曰公沙孚字
允慈與荀爽共約出不得事貴勢而爽當董卓時脫巾
未百日位至司空後相見以爽違約割席而坐 三國
志諸葛亮傳曰亮躬耕隴畝好為梁父吟每自比於管
仲樂毅先主屯新野徐庶見謂先主曰諸葛孔明者卧
龍也 皇甫謐高士傳曰管寧字幼安靈帝末以中國
方亂乃與其友邴原涉海依遼東太守公孫度度虛館
禮之其後中國少安人多南歸唯寧不還黃初中寧逆

知公孫淵必亂乃因徵辭還以為大中大夫固辭不受
寧凡徵命十至輿服四賜嘗坐一木榻上積五十年未
嘗箕股其榻上當膝處皆穿 三國志管寧傳曰時鉅

鹿張璠潁川胡昭亦養志不仕璠少游太學後歸鄉里
表紹前後辟命不應移居上黨并州牧高幹表除樂平
令不就徙遁常山門徒且數百人遷居任縣太祖為丞
相辟不詣太和中詔求隱學之士能消災復異者郡累
上璠發遣老病不行廣平太守盧毓到官三日綱紀白

承前致版謁璠毓教曰張先生所謂上不事天子下不
友諸侯者也豈此版謁所可光飾哉但遣主簿奉書致
羊酒之禮卒時年一百五歲胡昭始避地冀州亦辭袁
紹之命遁還鄉里太祖為司空丞相頻加禮辟昭往應
命既至自陳一介野生無軍國之用歸誠求去太祖曰
人各有志出處異趣勉卒雅尚義不相屈昭乃轉居陸
渾山中躬耕樂道以經籍自娛閭里敬而愛之 晉書
孫登傳曰登字公和隱居百泉山文帝使阮籍往觀既

見與語不應嵇康從之游三年問其所圖終不答康每歎息將別謂曰先生竟無言乎登乃曰子識火乎火生而有光而不用其光果在於用光人生而有才而不用其才果在於用才故用光在乎得薪所以保其耀用才在乎識真所以全其年今子才多識寡難乎免於今之世矣 范喬傳曰喬字伯孫元康中詔求廉讓沖退履道寒素者不計資以參選敘尚書郎王琨乃薦喬曰喬稟德真粹立操高潔儒學精深含章內奧安貧樂道棲

志窮巷簞瓢詠業長而彌堅誠當今之寒素著厲俗之
清彥時張華領司徒天下所舉凡十七人於喬特發優
論 劉伶傳曰伶放情肆志常以細宇宙齊萬物為心
澹默少言不妄交遊與阮籍嵇康相遇欣然神解攜手
入林初不以家產有無介意常乘鹿車攜一壺酒使人
荷鍤而隨之謂曰死便埋我其遺形骸如此 董景道
傳曰永平中景道知天下將亂隱於商洛山衣木葉食
樹果彈琴歌嘯以自娛毒蟲猛獸皆繞其旁 皇甫謐

傳曰謚沉靜寡欲有高尚之志以著述為務自號元晏
先生或勸謚脩名廣交謚以為非聖人孰能兼存出處
居田里之中亦可以樂堯舜之道何必崇接世利事官
鞅掌然後為名乎 孟陋傳曰陋字少孤少而貞立清
操絕倫布衣蔬食以文籍自娛口不及世事未曾交遊
時或弋釣孤興獨歸雖家人亦不知其所之也簡文帝
輔政命為參軍稱疾不起桓溫躬往造焉或謂溫曰孟
陋高行學為儒宗宜引在府以和鼎味溫歎曰會稽王

尚不能屈非敢擬議也陋聞之曰桓公正當以我不往
故耳億兆之人無官者十居其九豈皆高士哉我疾病
不堪恭相王之命非敢為高也由是名稱益重 譙秀
傳曰秀少而靜默不交於世知天下將亂預絕人事雖
內外宗親不與相見郡察孝廉州舉秀才皆不就及李
雄據蜀略有巴西雄叔父驤驤子壽皆慕秀名具束帛
安車徵之皆不應常冠皮弁敝衣躬耕山藪龔壯常歎
服焉 郭翻傳曰翻字長翔武昌人也家於臨川不交

世事惟以漁釣射獵為娛咸康末乘小船暫歸武昌省墳墓安西將軍庾翼以帝舅之重躬往造翻欲強起之翻曰人性各有所短焉可強逼翼又以其船小狹欲引就大船翻曰使君不以鄙賤而辱臨之此固野人之舟也翼俯屈入其船中終日而去劉麟之傳曰麟之好游山澤志存遯逸車騎將軍桓冲聞其名請為長史麟之固辭不受冲嘗到其家驂之於樹條桑使者致命麟之曰使君既枉駕光臨宜先詣家君冲聞大愧於是乃

造其父父命麟之然後方還拂短褐與冲言話父使麟之於內自持濁酒蔬菜供賓冲敕人代麟之斟酌父辭曰若使從者非野人之意也冲慨然至昏乃退楊軻傳曰軻少好易長而不娶學業精微養徒數百常食麤飲水衣褐緼袍人不堪其憂而軻悠然自得疎賓異客音旨未曾交也雖受業門徒非入室弟子莫得親言欲所論授須旁無雜人授入室弟子令遞相宣授劉曜僭號徵拜太常軻固辭不起曜亦敬而不逼遂隱於隴山

公孫永傳曰永隱於平郭南山不娶妻妾非身所墾
植則不衣食之吟詠巖間欣然自得年踰九十操尚不
虧與公孫鳳俱被慕容暉徵至鄴及見暉不拜王公以
下造之皆不與言雖經隆冬盛暑端然自若 張忠傳
曰苻堅遣使徵忠及見堅謂之曰先生考槃山林研精
道素獨善之美有餘兼濟之功未也故遠屈先生將任
齊尚父忠曰昔因喪亂避地泰山與鳥獸為侶以全朝
夕之命屬堯舜之世思一奉聖顏年衰志謝不堪展効

尚父之况非敢竊擬乞還餘齒歸死岱宗堅乃以安車

送之 祈嘉傳曰嘉少清貧好學年二十餘夜忽牕中

有聲呼曰祈孔賓祈孔賓隱去來隱去來修飾人世甚
苦不可諧所得未錙銖所喪如山崖旦而逃去西至敦

煌依學官誦書貧無衣食為書生都養以自給遂博通

經傳精究大義 瞿硎先生傳曰先生太和末常居宣

城郡界文春山中山有瞿硎因以為名焉大司馬桓溫
嘗往造之既至見先生被鹿裘坐於石室神無忤色溫

及僚佐數十人皆莫測之 謝敷傳曰敷性澄靖寡欲

入太平山十餘年鎮軍郗愔召為主簿臺徵博士皆不

就初月犯少微少微一名處士星占者以隱士當之譙

國戴逵有美才人或憂之俄而敷死故會稽人士以嘲

吳人云吳中高士求死不得 世說曰戴安道既厲操

東山而其兄欲建式遏之功謝太傅曰卿兄弟志業何

其太殊戴曰下官不堪其憂家弟不改其樂

續晉陽秋曰逵兄逵

以武勇顯有功封廣陵侯

又曰張廌隱居頤志家有苦竹數十頃

張於竹中為屋常居其中王右軍聞而造之張逃避竹
中不與相見 原又曰郗超每聞欲高尚隱退者輒為
辦百萬資并為造立居宇在剡為戴公起宅甚精戴始
往居與所親書曰近在剡如入官舍又為傅約亦辦百
萬傅隱事差互故不果 增晉書鄧粲傳曰粲少以高
潔著名與南陽劉麟之南郡劉尚公同志友善並不應
州郡辟命荊州刺史桓冲卑辭厚禮請粲為別駕粲嘉
其好賢乃起應召麟之尚公謂之曰卿道廣學深衆所

推懷忽然改節誠失所望粲笑答曰足下可謂有志於
隱而未知隱夫隱之為道朝亦可隱市亦可隱隱初在
我不在於物尚公等無以難之 陶淡傳曰淡終日端
拱曾不營問頗好讀易善卜筮於長沙臨湘山中結廬
居之養一白鹿以自偶親故有候之者輒移渡澗水莫
得近之 王隱晉書曰王長字文德少以才學知名放
蕩不羈州郡辟為別駕乃微服竊出舉州莫知所之後
於成都市中蹲踞而坐齧胡餅食之刺史知其不出乃

禮遣之於是閉門自守不交人事 晉書陶潛傳曰潛

少懷高尚博學善屬文穎脫不羈任真自得嘗著五柳

先生傳以自況曰先生不知何許人不詳姓氏宅邊有

五柳樹因以為號焉閒靜少言不慕榮利好讀書不求

甚解每有會意欣然忘食性嗜酒而家貧不能恒得親

舊知其如此或置酒招之造飲必盡期在必醉既醉而

退曾不吝情環堵蕭然不蔽風日裋褐穿結簞瓢屢空

晏如也常著文章自娛頗示已志忘懷得失以此自終

其自序如此 桓玄傳曰玄以歷代咸有肥遯之士而

已世獨無乃徵皇甫謐六世孫希之為著作并給其資
用皆令讓而不受號曰高士時人名為充隱 南史宋
戴顓傳曰顓父逵兄勃並隱遯有高名顓以父不仕復
脩其業父善琴書顓與勃並受琴於父中書令王綏常
攜客造之勃等方進豆粥綏曰聞卿善琴試欲一聽不
答綏恨而去桐廬縣多名山兄弟游之因留居止勃卒
顓出居吳下吳下人士共為築室聚石引水植林開澗

少時繁密有若自然三吳將守及郡內衣冠要其同游
野澤堪行便去不為矯介衆以此多之 宋書宗炳傳

曰炳好山水愛遠遊西涉荆巫南登衡岳因而結宇衡
山欲懷尚平之志有疾還江陵歎曰老疾俱至名山恐
難遍覩唯當澄懷觀道卧以遊之凡所遊履皆圖之於
室謂人曰撫琴動操欲令衆山皆響 周續之傳曰江

州刺史劉柳薦之高祖曰竊見處士鴈門周續之清真
貞素思學鉤深弱冠獨往心無近事性之所遣榮華與

飢寒俱落情之所慕巖澤與琴書共遠 王宏之傳曰

元嘉四年徵宏之為通直散騎常侍不就從兄敬宏嘗
解貂裘與之即著以采藥性好釣上虞江有一處名三
石頭宏之嘗垂綸於此經過者不識之或問漁師得魚
賣否宏之曰亦自不得得亦不賣日夕載魚入上虞郭
經親故門各以一兩頭置門內而去 南史孔淳之傳
曰淳之性好山水每有所遊必窮幽峻或旬日忘歸嘗
遊山遇沙門釋法崇因留共止遂停三載及還乃不告

以姓 劉凝之傳曰凝之攜妻子泛江河隱居衡山之陽登高嶺絕人跡為小屋居之采藥服食妻子皆從其志 宗彧之傳曰元嘉初大使陸子真觀采風俗三詣彧之每辭疾不見告人曰我布衣草菜之人少長壟畝何枉軒冕之客子真還表薦之徵員外散騎侍郎又不就 雷次宗傳曰元嘉十五年徵次宗至京師開館於雞籠山聚徒教授諸生百餘人除給事中不就久之還廬山公卿以下並設祖道後又徵詣京邑為築室於鍾

山西巖下謂之招隱館 朱百年傳曰百年少有高情

親亡服闋攜妻孔氏入會稽南山以伐樵採箬為業以
樵箬置道頭輒為行人所取明旦亦復如此人稍怪之
積久方知是朱隱士所賣湏者隨其所堪多少留錢取
樵箬而去 關康之傳曰特進顏延之等當時名士十
許人入山候之見其散髮被黃布帔席松葉枕一白石
而卧了不相盼延之等咨嗟而退不敢干也 漁父傳
曰太康孫緬為潯陽太守落日逍遙渚際見一輕舟凌

波隱顯有漁父焉神韻瀟灑垂綸長嘯緬甚異之乃問
有魚賣乎漁父笑而答曰其釣非釣寧賣魚耶緬怪焉
遂褰裳涉水謂曰竊觀先生有道者也終朝鼓枻良亦
勞止吾聞黃金白璧重利也駟馬高蓋榮勢也今方王
道文明守在海外隱鱗之士靡然向風子何晦用其若
是也漁父曰僕山海狂人不達世務乃歌曰竹竿籊籊
河水泚泚相忘為樂貪餌吞鈎非夷非惠聊以忘憂於
是悠然鼓枻而去南齊書褚伯玉傳曰伯玉在山三

十餘年隔絕人物王僧達為吳郡苦禮致之伯玉不得
已停郡信宿裁交數言而退寧朔將軍丘珍孫與僧達
書曰褚先生滅景雲棲抗高木食有年載矣夫却粒之
士餐霞之人乃可暫致不宜久羈僧達答曰古之逸民
或留慮兒女或使華陰成市而此子索然唯朋松石介
於孤峰絕嶺者積數十載近故要其來此冀慰日夜比
談討芝桂借訪荔蘿若已窺煙液臨滄洲矣太祖即位
手詔吳會二郡以禮迎遣又辭疾上不欲違其志勅於

剡白石山立太平館居之 南史明僧紹傳曰僧紹聞
沙門釋僧遠夙德往候定林寺高帝欲出寺見之僧遠
問僧紹曰天子若來居士若為相對僧紹曰山藪之人
正當鑿坏以遁若辭不獲命便當依戴公故事既而遁
還攝山建棲霞寺而居之高帝甚以為恨昔戴顓高卧
牖下以山人之服加其身僧紹故云 庾易傳曰易性
恬靜不交外物臨川王映表薦之餉麥百斛易謂使人
曰民樵採麋鹿之伍終歲鮮毛之衣馳騁日月之車得

保自耕之祿於大王之恩亦已深矣辭不受安西長史
表承欽其風贈以鹿角書格蚌盤蚌硯白象牙筆并贈
詩曰白日清明青雲遼亮昔聞巢許今覩臺尚易以連
理几竹翹書格報之 南齊書宗測傳曰測往廬山止

祖炳舊宅魚復侯子響為江州厚遣贈遺測曰少有狂
疾尋山採藥遠來至此量腹而進松木度形而衣薜蘿
淡然已足豈容當此橫施子響命駕造之測避不見後
子響不告而來奄至所住測不得已巾褐對之卒不交

言南史沈麟士傳曰麟士織簾誦書口手不息鄉里號為織簾先生隱居餘干吳差山講經教授從學者數十百人各營屋宇依止其側時為之語曰吳差山中有賢士開門教授居成市張永為吳興請麟士入郡麟士聞郡後堂有好山水即戴安道遊吳興因古墓為山地也欲一觀之乃往停數月永欲請為功曹麟士曰明府德履冲素留心山谷是以被褐負杖忘其疲病必欲飾混沌以蛾眉冠越客以文冕走雖不敏請附高節有蹈

東海死耳不忍受此點剗永乃止 南齊書徐伯珍傳

曰宅南九里有高山班固謂之九巖山後漢龍邱長隱

處也山多龍鬚檉柏望之五采世呼為婦人巖伯珍移

居之門前生梓樹一年便合抱館東石壁夜忽有赤光

洞照俄爾而滅白雀一雙栖其戶牖論者以為隱德之

感焉 南史何點傳曰豫章王嶷命駕造點點從後門

遁去司徒竟陵王子良聞之曰豫章王尚望塵不及吾

當望岫息心後點在法輪寺子良就見之點角巾登席

子良欣悅無已遺點嵇叔夜酒杯徐景山酒鎗梁帝與
點有舊及踐阼手詔論舊賜以鹿皮巾等并召之點以
巾褐引入華林園帝贈詩酒恩禮如舊仍下詔徵為侍
中持帝鬚曰乃欲臣老子辭病不起何允傳曰梁武
帝踐阼詔為特進光祿大夫遣領軍司馬王杲之以手
勅諭意允謂杲之曰吾年已五十七月食四斗米不盡
何容復有宦情杲之不能答允反謂曰卿何不遣傳詔
還朝拜表留與我同遊耶杲之愕然曰古今不聞此例

允曰檀弓兩卷皆言物始何必有例 梁書阮孝緒傳
曰天監十二年孝緒與吳郡范元琰俱徵並不到陳郡
袁峻謂之曰往者天地閉賢人隱今世路已清而子猶
遁可乎答曰昔周德雖興夷齊不厭薇蕨漢道方盛黃
綺無悶山林為仁由已何關人世况僕非往賢之類耶
南史劉訐傳曰陳留阮孝緒博學隱居不交當世恒
居一鹿牀環植竹木寢處其中時人造之未嘗見也訐
一造孝緒即神交焉訐族兄歆又履高操三人日夕招

攜故都下謂之三隱 陶宏景傳曰梁武帝手勅招之
錫以鹿皮巾後屢加禮聘並不出唯畫作兩牛一牛散
放水草之間一牛著金籠頭有人執繩以杖驅之武帝
笑曰此人無所不作欲效曳尾之龜豈有可致之理國
家每有吉凶征討大事無不前以諮詢月中常有數信
時人謂為山中宰相 北史李景儒傳曰景儒字昭徽
志好隱逸慕葛洪之為人尋師訪道不遠千里遇高尚
則傾蓋如舊見庸識雖王公蔑如 張文詡傳曰文詡

灌園為業州縣以其貧素將加賑恤輒辭不受嘗閒居
無事從容歎曰老冉冉而將至恐修名之不立以如意
擊几自樂時人方之閔子騫原憲焉 新唐書王績傳

曰績有田十五六頃在河渚間有奴婢數人種黍春秋
釀酒養鳧鴈時藥草自供以周易老莊置牀頭他書罕
讀也游北山東臯著書自號東臯子乘牛經酒肆留或
數日刺史崔喜悅之請相見答曰奈何坐召嚴君平耶
卒不詣杜之松故人也為刺史請績講禮答曰吾不能

揖讓邦君門談糟粕棄醇醪也 朱桃椎傳曰桃椎淡

泊絕俗被裘曳索人莫能測其為長史竇軌見之遺以

衣服鹿幘麕鞞逼署卿正委之地不肯服 田游巖傳

曰游巖入箕山居許由祠旁自號由東鄰頻召不出高

宗幸嵩山親至其門游巖野服出拜帝曰朕得君何異

漢獲四皓乎帝營奉天宮游巖舊宅直宮左詔不聽毀

天子自書榜其門曰隱士田游巖宅 武攸緒傳曰攸

緒盤桓龍門少室間冬蔽茅椒夏居石室所賜金銀鐙

鬲野服王公所遺鹿裘素障櫻杯塵皆流積不御也市
田潁陽使家奴雜作自混於民晚年肌肉銷青瞳有紫
光晝能見星 李白傳曰白自知不為親近所容益自
驚放不自修與賀知章李適之汝陽王璡崔宗之蘇晉
張旭焦遂為飲中八仙懇求還山帝賜金放還白浮游
四方常乘月與崔宗之自采石至金陵著宮錦袍坐舟
中旁若無人 溫造傳曰造嗜書少所降屈不喜為吏
隱王屋山人號其居曰處士墅慨然有高世志 石洪

傳曰洪隱居不出公卿數薦皆不答烏重允鎮河陽求
賢者以自重或薦洪重允曰彼無求於人其肯為我來
耶 秦系傳曰系越州會稽人天寶末避亂剡溪徵辟
不就客泉州南安有九日山大松百餘章俗傳東晉時
所植系結廬其上穴石為研注老子彌年不出 宋史
陳搏傳曰唐長興中舉進士不第遂不求祿仕以山水
為樂自言常遇孫君仿麋皮處士二人者高尚之士也
語搏曰武當山九室巖可以隱居搏往棲焉歷二十餘

年移居華山雲臺觀又止少華石室每寢處多百餘日
不起太平興國中來朝太宗待之甚厚九年復來朝上
益加禮重謂宰相宋琪等曰搏獨善其身不干勢利所
謂方外之士也賜號希夷先生 种放傳曰放隱終南
豹林谷之東明峰結草為廬僅庇風雨得辟穀術別為
堂於峰頂盡日望雲危坐每山水暴漲道路阻隔糧糗
乏絕止食芋栗多為歌詩自稱退士嘗作傳以述其志
咸平六年十月遣使就山撫問圖其林泉居處以獻

魏野傳曰野不求聞達居州之東郊手植竹樹清泉環繞旁對雲山景趣幽絕鑿土袤丈曰樂天洞前為草堂彈琴其中好事者多載酒肴從之遊嘯詠終日野不喜巾幘無貴賤皆紗帽白衣以見 林逋傳曰逋字君復少孤力學不為章句性恬淡好古弗趨榮利家貧衣食不足晏如也初放遊江淮間久之歸杭州結廬西湖之孤山二十年足不及城市真宗聞其名賜粟帛詔長吏歲時勞問臨終有茂陵他日求遺藁猶喜曾無封禪書

之句仁宗賜諡和靖先生賻粟帛 山堂肆考曰郭延

卿隱居水南時年八十餘矣一日西京留守錢文僖公
率僚屬訪之去延卿居一里外即屏騎從徒步至門延
卿道服坐談遂進陶尊果菽對花小飲文僖愛其野逸
為引滿不辭既而吏報申牌府史牙兵列庭中延卿徐
曰公等何官而從吏之多也幕下尹洙指而告曰留守
錢相公也延卿笑曰不圖相公肯顧野人更舉觴相向
文僖欣然進數杯日入而去 蘇軾方山子傳曰方山

子遁光黃間棄車馬毀冠服徒步往來山中人莫識也
見其所著帽方屋而高曰此豈古方山冠之遺像乎因
謂之方山子余謫居於黃適見焉曰嗚呼此吾故人陳
季常也何為而在此方山子亦矍然問余所以至此者
余告之故俯而不答仰而笑呼余宿其家環堵蕭然而
妻子奴婢皆有自得之意余聳然異之 宋史徐中行
傳曰中行晚年教授其友羅適以遺逸薦郡守李諤又
以八行薦時章蔡竊國柄竄逐善類且盡中行每一聞

命輒淚下一日去之黃巖會親友盡毀其所為文幅巾

藜杖往來委羽山中客有詰以避舉要名者中行曰人而無行與禽獸等使吾得以八行應科目則彼之不被舉者非人類與吾正欲避此名非要名也 譙定傳曰

定愛青城大面之勝棲遯其中蜀人指其地曰譙巖敬定而不敢名稱之曰譙夫子有繪像祀之者久而不衰杜生傳曰杜生者潁昌人不知其名縣人呼為杜五郎不出門者三十年黎陽尉孫軫往訪之且問其故笑

曰以告者過也指門外一桑曰憶十五年前亦嘗納涼其下何謂不出但無用於時無求於人耳 順昌山人

傳曰靖康末有避亂於順昌山中者深入得茅舍主人風裁甚整即之語士君子也怪而問曰諸君何事挈妻孥至是耶因語之故主人嗟惻久之曰我父為仁宗朝人也自嘉祐末卜居於此因不復出以我所聞但知有熙寧紀年亦不知於今幾何年矣 蘇雲卿傳曰雲卿少與張浚為布衣交浚為相馳書函金幣屬豫章帥及

漕曰余鄉人蘇雲卿遁跡湖海近聞灌園東湖其高風
偉節非折簡能屈必親造其廬為我致之比帥漕密訪
物色有灌園蘇翁者乃屏騎從更服入其圃翁運鋤不
顧進而揖之翁曰二客何從來耶延入室土銚竹几地
無纖塵案上有西漢書一冊二客恍若自失默計此為
蘇雲卿矣既而汲泉煮茗意稍款浹遂扣其鄉里起而
言曰張公令某等致公共濟大業因出書函金幣寘几
上雲卿勿顧詰朝二客遣使迎伺排闥入則書幣不啓

家具如故而翁已遁矣 金史趙質傳曰質隱居燕城南教授為業明昌間章宗遊春水過焉聞絃誦聲幸其齋舍見壁間所題詩諷詠久之賞其志趣不凡召至行殿命之官固辭曰臣僻性野逸志在長林豐草金鑲玉絡非所願也况聖明在上可不容巢由為外臣乎 辛愿傳曰愿雅負高氣不能從俗俯仰有詩云黃綺暫來為漢友巢由終不是唐臣真處士語也 元史特穆爾達實傳曰初巴延議罷科舉特穆爾達實時在參議府

訖不署奏牘及入中書乃議復行之徵用處士待以不
次之擢或疑為太優特穆爾達實曰隱士無求於朝廷
朝廷有求於隱士區區名爵奚足惜哉識者誦之 實
默傳曰默隱於大名與姚樞許衡朝暮講習至忘寢食
繼還肥鄉以經術教授世祖在潛邸遣詔之默變名姓
以自晦 杜本傳曰本隱武夷山中右丞相脫脫以隱
士薦詔遣使賜以金織文幣上尊酒召為翰林待制奉
議大夫兼國史院編修官使者致君相意趣之行至杭

州稱疾固辭而致書於丞相曰以萬事合為一理以萬民合為一心以千載合為一日以四海合為一家則可言制禮作樂而躋五帝三王之盛矣遂不行 明宋濂竹溪逸民傳曰竹溪逸民戴青霞冠披白鹿裘不復與塵事接所居近大溪多修竹當明月高照水光潋灩逸民輒腰短簫乘小舫蕩漾明月中簫聲宛轉若龍鳴簫已逸民扣舷歌曰吹玉簫兮弄明月明月照兮頭成雪頭成雪兮將奈何白鷗起兮衝素波見之者歎曰是誠

世外人也 劉基傳略曰基以誠意伯歸隱山中惟飲
酒弈碁口不言功守令求見皆不得令微服為野人求
基基方濯足令固從之因引入茅舍炊黍飯令告曰
某青田知縣也基驚起稱民因別去其後終不得見

劉基獨冷先生傳曰客有遺棄世事不求利達者結屋
於中山之下居焉樹以柔木有泉一泓躋高岡而景焉
坐於桐梓之陰歌曰衆皆諠我獨靜衆皆熱我獨冷朝
作暮息兮我日獨永牧人聆之歸而語其老其老曰隱

者哉明日歛其廬問其姓名曰忘之久矣因目其居曰
獨冷謂其人曰獨冷先生 楊維禎小傳曰維禎避地
富春山張士誠累招之不往又忤達識丞相自蘇徙松
築元圃蓬壺於松江之上海薦紳大夫與東南才俊之
士造門納屨殆無虛日酒酣以往筆墨橫飛鉛粉狼籍
或帶華陽巾披鶴氅坐船屋上吹鐵笛作梅花弄或呼
侍兒歌白雪之辭自倚鳳琶和之賓客皆蹁躑起舞以
為神仙中人也 又顧德輝字仲瑛別名阿瑛淮張據

吳避隱嘉興之合溪母喪歸綽溪張氏再辟之斷髮廬
墓誦大乘經以報母自稱金粟道人 又王蒙字叔明
畫山水師巨然得外氏法然不求妍於時為文章不循
矩度頃刻數千言可就隱於黃鶴山自號黃鶴山樵
又袁凱字景文華亭人自號海叟歸田後每背帶方巾
倒騎烏犢往來峰泖間好事者圖以入畫賦白燕詩最
工人呼為袁白燕 又韓弈字公望絕意仕進與王賓
友善偕隱於醫建文初姚善守吳造請之公望不踰中

門於布簾內答云不在一日伺賓在掩入其室公望走
楞伽山善隨至則泛小舟入太湖善太息曰韓先生所
謂名可得聞身不可得而見也姚廣孝序其詩曰公望
雖居市廛如處巖壑國初吳中高士以賓與公望為稱
首又沈周字啓南長洲人景泰間郡守以賢良應詔
筮之得遯之九五乃決意隱遯耕讀於相城里所居曰
有竹莊修閒居奉母之樂先生風神散朗骨格清古碧
眼飄鬚儼如神仙有水竹亭館之勝圖書彝鼎充牣錯

列戶屢填咽賓客牆進撫玩品題笑談移日興至對客
揮灑煙雲盈紙畫成自題其上頃刻數百言風流文翰
照映一時百年來東南之盛蓋莫過之者 又曰孫一
元字太初不知何許人人問其邑里曰我秦人也嘗棲
太白之巔故稱太白山人或曰安化王之親支有托而
逃也風儀秀朗蹤跡奇譎元巾白袷以鐵笛鶴瓢自隨
善飲酒好談論所至傾動其士大夫嘗西入華南入衡
又東登岱又南入吳會遂棲遲不去費宏罷相訪之南

屏山寺中值其晝寢就卧內與語送之及門了不酬謝
費出語人曰吾一生未嘗見此人也

隱逸三

原採薇 賣藥

史記伯夷叔齊義不食周粟隱于首陽山採薇而食之後漢書韓康傳康嘗

採藥名山賣于長安市口不二價三十餘年時有女子從康買藥康守價不移女子怒曰公是韓伯休耶乃不二價乎康歎曰我本欲避名今小女子皆知有我何用藥為乃遁入潯陵山中

露寢 窟居

皇甫謐高士傳焦先字孝然常結草為廬于河之湄獨止其中後野人火燒其廬先因露寢遭冬雪大至先袒臥不移人以爲死就視如故後百餘歲卒 晉書孫登傳登字公和汲郡共人也于郡北山為土窟居之夏則

編草為裳冬則被髮自覆好讀
易撫七絃琴見者皆親樂之

牆東

竈北

後漢書
逢萌傳

王君公僧牛自隱時人為之語曰避世牆東王君公
又向相傳相好被髮著絳綃頭常于竈北坐板床上如
是積久板乃有膝踝足指
之處不好語言而喜長嘯

蔣徑

蘇門

嵇康高士傳
蔣詡字元卿

王莽為宰衡詡稱病歸杜陵荆棘塞門舍中三徑終身
不出時人諺曰楚國二龔不如杜陵蔣翁謝靈運詩惟
開蔣生徑 魏氏春秋阮籍少時嘗遊蘇門山山有隱
者莫知其姓有竹實數斛白杵而已籍從之與談太古
無為之道五帝三王之義不聽乃對之長嘯蘇門
生適爾而笑籍既降蘇門生亦嘯若鸞鳳之音焉

鼓

刀抱甕

魏公子列傳侯生謂公子曰臣所過屠者朱
亥此子賢者世莫能知故隱屠間耳又曰公

子請朱亥朱亥笑曰臣乃市井鼓刀屠者 嵇康高士
傳漢陰丈人者楚人也子貢適楚見丈人為國入井抱

覺而灌用力甚多子貢曰有機于此後重前輕曰桔槔用力寡而見功多丈人作色曰聞之吾師有機事者必有機心機心存于胃則純白不備子貢愕然慚不對

外臣

增逋客

南史明僧紹傳帝謂

僧紹弟慶符曰卿兄高尚其事亦堯之外臣朕夢想幽人固已勤矣所謂徑路絕風雲通仍賜竹根如意筍簪冠隱者以為榮焉山堂肆考逋客避世之士也北山移文請迴俗士駕為君謝逋客又隱者曾為朝廷禮聘而不起者謂之微君一曰聘君

原蝸廬呻吟

增蟻陂漁釣

魏略焦先自作

一瓜牛廬淨掃其中營木為牀布草蓐其上至天寒時構火以自炙呻吟獨語裴松之云瓜當作蝸蝸牛螺蟲之有角者也先作園舍形如蝸斗蔽故謂之瓜牛廬山堂肆考東漢鄭敬字次都隱居蟻陂之陽以漁釣自適

原吳市門卒

增伊川田父

後漢書梅福傳元始中王莽專政福一朝

棄妻子去九江至今傳以為仙後有人見福于會稽者
變名姓為吳市門卒云 山堂肆考唐却純與元載不

合退歸東洛
疏伊川田父

結廬北渚

灌園東湖

唐書王績傳仲
長子光隱者也

無妻子結廬北渚凡三十年非其力不食績愛
其真徒與相近 宋史蘇雲卿傳詳上隱逸二

時稱

二逸 世目三高

遼史耶律固納傳固納與烏里特部人
蕭幹友善幹謂固納曰仕不能致主

澤民成大功烈何屑屑為吾與若居林下以枕簟自隨
觚詠自樂雖不官無歎焉固納然之時稱二逸 五代

史鄭遨傳遨與道士李道殷羅隱之友善世目以為三
高士遨種田隱之賣藥以自給道殷有釣魚術釣而不

餌又能化石為金遨嘗驗其信然而不之求也唐明宗
時以左拾遺晉高祖時以諫議大夫召之皆不起賜號

為遁逸

先生

柴車草屨 髻髻布袍

南史何點傳點父素
有風疾無故殺點母

坐法死點年十一幾至滅性及長感家禍絕婚宦雖不入城府然好狎人物遨遊人間不替不帶以人地自高無所與屈或乘柴車躡草橋恣心所適致醉而歸故世論以點為孝隱士弟允為小隱士明黃姬水貧士傳

王賓士仲光志不願仕永樂中自壞其面終身獨居無妻子髻髻布袍游行市中家貧無業賣藥以資所至羣兒隨焉郡守姚善往謁衙門賓據坐受拜以道誨之若師弟子姚少師廣孝貴歸來訪弟肯見方盥掩面而走

坐帳無鶴

米桶有人

庾信小園賦坐帳無鶴支牀有龜一寸二寸之魚三竿兩

竿之竹名為野人之家是謂愚公之谷輟耕錄呂微之常逃名耕漁自給一日詣富家易穀種值大雪立門下聞閤中分韻作雪詩一人得滕字苦吟勿就先生不覺失笑來詰之乃曰我意舉滕王蛺蝶事耳衆歎服問其姓氏不答皆訝曰嘗聞呂處士名先生豈其人耶曰我農家安知呂處士刺船而去遣人尾其後識之雪晴

往訪焉惟草屋一間家徒壁立忽未桶中有人乃先生妻也試問徽之先生何在答曰在溪上捕魚至彼果見之告以候謝之意隔溪謂曰諸公先至舍下我得魚當換酒飲諸公也少頃攜魚酒至盡歡而散翼旦躡其蹤則先生已遷矣

追逐雲月

左右琴書

元史金履祥傳德祐初以迪功郎史館編

校起之辭勿就宋將改物所在盜起履祥居金華山中兵燹稍息則上下巖谷追逐雲月寄情嘯咏視世故淡如也北史隱逸傳序曰狎玩魚鳥左右琴書

披裘釣澤

杖策入山

後漢

傳光少有高名與光武同遊學及光武即位乃變名姓隱身不見帝思其賢乃令以物色訪之後齊國上言有一男子披羊裘釣澤中帝疑其光乃備安車元纁遣使聘之隋書徐則傳則精于議論聲擅都邑則數曰名者實之賓吾其為賓乎遂懷棲隱之操杖策入緡雲山

洗耳拭目

裂冕掛冠

高士傳巢父堯時隱人年老以樹為巢而寢其上故人號為巢父堯之讓許由也由以告巢父巢父曰汝何不隱汝形藏汝光若非吾友也乃擊其膺而下之由悵然不自得乃過清冷之水洗其耳拭其目曰嚮聞貪言負吾友遂去終身不相見唐駱賓王疇昔篇掛冠裂冕已辭榮南畝東臯事耕鑿賓階客院常疎散蓬徑柴扉終寂寞自有林泉堪隱樓何必山中事邱壑

茂松清泉

丹崖青壁

新唐書潘

師正傳師正居逍遙谷高宗幸東都召見問所須對曰茂松清泉臣所須也既不乏矣帝尊異之晉書宋纖傳酒泉太守馬岌其威儀鳴鐃鼓造焉纖高樓重閣距而不見岌歎曰名可聞而身不可見德可仰而形不可親吾今而後知先生人中之龍也銘詩于石壁曰丹崖百丈青壁萬尋奇木蒼鬱蔚若鄧林其人如玉維國之琛室邇人邇實勞我心

五粒松脂

兩部鼓吹

五代史鄭遨傳遨見天下已亂

有拂衣遠去之意聞華山有五粒松脂淪入地千歲化為藥能去三尸因徙居華陰欲求之南史孔珪傳珪不樂世務居宅盛營山水凭几獨酌傍無祿事門庭之內草萊不剪中有蛙鳴或問之曰欲為陳蕃乎珪笑答曰我以此當兩部鼓吹何必效蕃

雲溪醉侯

烟波釣叟

宋史种放傳放性嗜

酒嘗種秫自釀每日空山清寂聊以養和因號雲溪醉侯唐書張志和傳志和以親既喪不復仕居江湖自稱烟波釣叟陸羽嘗問孰為往來者對曰太虛為室明月為燭與四海諸公共處未嘗少別也何有往來

輕世肆志

抱道懷真

史記魯仲連傳田單言魯仲連欲爵之魯連逃隱于海上曰吾

與富貴而謫于人寧貧賤而輕世肆志焉三國志魏明帝詔青州刺史曰管寧抱道懷真潛翳海隅

隱形天外

獨行野中

三國志吾粲傳粲遭會稽太守召處士謝譚為功曹譚以疾不

諸架教曰夫應龍以屈伸為神鳳凰以嘉鳴為貴何必
隱形于天外潛鱗于重淵者哉唐書陸羽傳羽隱苕
溪自稱桑苧翁闔門著書或獨行野中誦詩擊木
徘徊不得意或慟哭而歸故時人謂今接輿也

麻

衣草屨

蓬戶簞瓢

宋史南安翁傳漳州陳元中客居
南海日嘗赴省試過南安會日暮

投宿野人家茅茨數椽竹樹密茂可愛主翁雖麻衣草
屨而舉止談對宛若士人几案間有文籍散亂視之皆
經子也陳叩之曰翁訓子讀書乎曰種園為生耳亦入
城市乎曰十五年不出矣三國志秦宓傳宓答王商
書曰僕得曝背乎隴畝之中誦顏氏之簞瓢詠原憲之
蓬戶時翱翔于林澤與沮溺之等倚聽元猿之悲吟察
鶴鳴于九章安身

結屋城南

築室市隱

姓譜明施
德華性樸

為樂無憂為福

素能詩洪武中有司以明經累薦不就結屋數楹于郡
城南自號城南小隱明劉基市隱齋記賈君性之居

越之蕭山築室一區在闌間中集古今圖書以為燕遊
接賓客之所不高其垣而不覲車馬之塵不深其宮而
不聞閭閻之聲以其徑路宛轉戶庭清謐而不
與鄙俗者接也王君子充過而命之曰市隱 號賜

冲退名錫中庸

宋史張謩傳嘉祐中賜號冲退處士
王素時為州因更其所居之鄉曰處

士里曰通儒坊曰冲退 元史張特立傳特立歸田里
世祖在潛邸受王印首傳旨諭特立曰前監察御史張
特立養素邱園易代如一年幾七十研究聖
經宜錫嘉名以光潛德可特賜號曰中庸先生 山潛

水香鶴唳雞鳴

宋史蘇雲卿傳張浚曰雲卿風節高
于傳霖予期與之共濟當今山潛水

香邀不可尋

孟浩然宿天台桐柏觀詩緬尋滄洲趣

近愛赤城好捫蘿亦踐苔輟棹恣探討息陰憩桐柏采

采弄芝草鶴唳清露垂鷄鳴信

潮早願言解纓紱從此無煩惱

負琴攜壺種花釀

酒

宋史神放傳放幅巾短褐負琴攜壺沂長溪坐磐石採山藥以助飲往往終日又吳瑛傳瑛歸斷有田

僅足自給臨溪築室種花釀酒家事一付子弟賓客至必飲飲必醉或因臥花間客去亦不問有贓否人物者

不酬一語但促奴並行酒

莫不愛其樂易而敬其高

游龍隱鳳

化蝶翔鯤

宋謝

靈運逸民賦其見也則如游龍其潛也則如隱鳳陳

江總莊周頌玉潔蒙縣蘭薰漆園丹青可久雅道斯存

夢中化蝶水外翔鯤出俗靈府師心妙門

緝葉自蔽

垂竿自若重聘忘言悠哉天地共此籠樊

鑿穴為居

唐書朱桃椎傳桃椎結廬山中夏則羸冬緝木皮葉自蔽贈遺無所受嘗織十芒屨

置道上見者曰居士屨也為鬻朱茗易之置其處輒取去終不與人接後漢書臺佟傳佟隱于武安山鑿穴

為居采

藥自給

竹溪六逸

吳江三高

新唐書李白傳白與孔巢父韓準裴政張

叔明陶沔居徂徠山日沈飲號竹溪六逸
小學紺珠吳江三高范蠡張翰陸龜蒙

騎牛帶瓢

席松枕石

唐書史德義者居虎邱山騎牛帶瓢出入
塵野高祖聞其名召至洛陽俄稱疾歸

南史闕康之傳康之
字伯愉詳隱逸二

松牕蓬戶

疏圃蘭堂

姓諸宋
胡嶧姿

稟純慤恬于榮利與方惟深林處為忘年交所居松牕
蓬戶人目為隱君子步趨言動皆有尺度陸雲逸民
賦曾丘翳薈穹谷重深叢木振穎葛藟垂陰潛魚泳沚
嚶鳥來吟仍蔬圃于芝薄即蘭堂于芳林靡飛颺以赴

節揮天籟
以興音

常蓄兩鶴時乘一騾

史緯林逋傳逋結
廬西湖之孤山二

十年足不及城市常蓄兩鶴縱之則飛入雲霄盤旋久
之乃下逋時時泛小艇游西湖諸寺惟留一童子應門
客至童子延客縱鶴良久逋棹而歸蓋常以鶴飛為客
至之驗云魏書晁季博少與崔浩為莫逆交浩居

司徒奏徵夸為其郎中辭疾不赴州郡逼遣不得已入京師與浩相見延留數日浩遂投詔書于夸懷夸曰桃簡卿已為司徒何足以此勞國士也桃簡浩小名也浩慮夸即還時乘一騾更無兼騎浩乃以夸騾內之廐中冀相維繫夸遂託鄉人輸租者謬為御車乃得出關

驅豕不顧

祝雞有名

府

元龜孫期習京氏易古文尚書牧豕于大澤中以養親郡舉方正遣吏齋羊酒請期期驅豕入草不顧司徒黃琬特辟不行終于家獨異志尸鄉有祝雞翁善養雞皆有名販賣雞卵獲億萬一旦逃入山不知所之

乘虛入冥

挫廉逃名

後漢書矯慎傳慎字仲彥少學黃老隱遯山谷汝南吳蒼遺書

曰仲彥足下勤處隱約雖乘雲行泥棲宿不同每有西風何嘗不歎蓋聞黃老之言乘虛入冥藏身遠遯亦有理國養人施於為政世說蔣元卿舍中三徑惟羊仲求仲從之遊二仲皆挫廉逃名之士

潁陽

洗耳箕山扇風

後漢書逸民傳古者隱逸其風尚矣
潁陽洗耳恥聞禪讓孤竹長饑羞食

周粟 隋書隱逸傳洪崖兆其始箕山
扇其風七人作乎周年四皓光乎漢日

藏名台岳

結架巖林

隋書徐則傳晉王鎮揚州知其名手書召之
曰先生悅性冲元怡神虛白餐松餌朮棲息

煙霞望赤城而待風雲遊玉堂而駕龍鳳雖復藏名台
岳猶且騰實江淮籍甚嘉猷有勞寤寐魏書馮亮傳

亮既雅愛山水又兼巧思
結架巖林甚得棲遊之適

蓬蒿滿宅

竹樹繞居

世說

張仲蔚隱居平陵蓬蒿滿宅唯開一行徑三輔決錄曰
仲蔚少與同郡魏景卿隱身不仕所居蓬蒿没人梁

書阮孝緒傳孝緒居室唯有一鹿牀竹樹環遶天監初
御史中丞任昉尋其兄履之欲造而不敢望而歎曰其

室雖適其人甚遠為
名流所欽尚如此

奕拈一子樓築三層

世說蘇養直隱

京口紹興間與徐師川同召養直不起師川造朝便道過養直留飲甚歡二公平日對奕徐高子蘇是日養直拈一子笑視師川曰今日還須讓老夫下此一著師川有愧色梁書陶宏景傳永元初更築三層樓宏景處其上弟子居其中賓客至其下與物遂絕唯一家僮得侍于旁特愛松風每聞其響欣然為樂

卜築

東澗

教授南山

梁書劉訐傳訐善元言尤精釋典曾與族兄劉歊聽講于鍾山諸寺因共

卜築宋熙寺東澗有終焉之志後漢書馬融傳京兆曄恂以儒術教授隱于南山不應徵聘名重關西

門栽五柳

庭蒔七松

南史陶潛傳潛少有高趣宅邊有五柳樹故嘗著五柳先生傳

山堂肆考唐鄭薰字子溥再知禮部舉引寒俊士類多之後告老號所居為隱巖蒔七松于庭自號七松居

士

春韭秋菘

天梳日帽

梁吳均齊春秋周顒隱居鍾山衛將軍王儉謂顒曰

卿山中何所食顯曰赤米白鹽綠葵紫蓼文惠太子問
顯菜食何味最勝顯曰春初早韭秋末晚菘釋史唐

隱君子田游巖一日冬晴就湯泉沐髮風于朝暉之下
適所親者至曰高年豈不自愛而草草若是耶游崑歎

而答曰天梳日

帽他復何需

氣高瓊岳志凌青雲

梁簡文何先生志氣高瓊

岳心虛谷神括羽儒圓舟與席珍既游慧水兼引法輪

後漢書逸民傳若伊人者志凌青雲之上身晦泥汙

之下心名且猶不

顯况怨累之為哉

蘆花織被

松子為餐

元史蘆爾約

蘆爾約蘆哈雅還江南賣藥于錢塘說姓名易服色人無

有識之者偶過梁山灤見漁父織蘆花為被欲易之以

紬漁父疑其為人陽曰君欲吾被當更賦詩遂援筆立

成竟持被去人間喧傳蘆花被詩其依隱玩世多類此

元帝與劉智藏書韓梅兩福求羊二仲鄭林騰

光于馮翊周黨傳芳于太原松子為餐蒲根是服

豹

席梭屨

茶竈筆牀

唐書張志和傳志和始名龜齡兄鶴齡恐其遁世不還為築室越州

東郭茨以生草椽棟不施斤斧豹席梭屨每垂釣不設餌志不在魚也又陸龜蒙傳龜蒙不喜與流俗交雖

造門不肯見不乘馬升舟設蓬席齋束書茶竈筆牀釣具往來時謂江湖散人或號天隨子甫里先生自比涪

翁漁父江上丈人後以高士召不至

依巖結宇

即林成樓

魏書鄭修少隱于岐

南凡谷中依巖結宇獨處淡然屏跡人事不交世俗耕食水飲皮冠草服雅好經史專意元門前後州將每徵不至慎蒙山樓志何允以會稽山多靈異往遊焉居若耶雲門寺後遷泰望山山有飛泉乃起學舍即林成樓因巖為堵別為小閣室寢處其中躬自啟閉僮僕無得至者

給河東酒

賜曲江

魚

北史周韋叟志尚尼簡淡于榮利前後十見徵辟皆不應命明帝勅有司日給河東酒一升號之曰逍遙

公姓譜翁洮字子平退居不仕僖宗遣使徵之不起
作枯木詩以答詔僖宗復遣使以曲江魚賜之宋理宗

追謚為善慶公

俱遊五嶽

何假百城

後漢書向長傳長字子平潛隱於家讀易

至損益卦喟然歎曰吾已知富不如貧貴不如賤但未
知死何如生耳建武中男女娶嫁既畢輒斷家事不相

關當如我死也於是遂肆志與同好北海禽慶俱遊五
嶽名山山竟不知所終魏書逸士傳李謚每曰丈夫擁

書萬卷何假南面百城遂絕跡下帷杜門却掃

漱石枕流

栖丘飲谷

世說孫楚

年少時欲隱語王濟當枕石漱流誤曰漱石枕流王曰
流可枕石可漱乎孫曰所以枕流欲洗其耳所以漱石

欲礪其齒南史宗少文傳武帝辟少文為主簿不起
問其故答曰栖丘飲谷三十餘年武帝善其對而止

琴書與友

聖賢為師

晉書戴逵傳謝元慮逵遠遁
不反乃上疏曰伏見譙國戴

欽定四庫全書

卷二百八十九

三

達希心俗表不嬰世務棲遲衡門與琴書為友雖策命屢加幽操不回超然絕跡自求其志宋史蔡元定傳子沉字仲默年僅三十屏去舉子業一以聖賢為師隱居九峰當世名卿物色將薦用之沉不屑就欣

玩水石

眷戀松筠

南齊書明僧紹傳僧紹弟慶符為青州僧紹乏糧食隨慶符之鬱洲

住奔榆山栖雲精舍欣玩水石竟不一入州又宗測傳測答豫章王曰性同鱗羽愛止山壑眷戀松筠輕達人路縱宕岩流有若狂者忽不知老至而今鬢已白豈容謀虛責有限魚慕鳥哉居士耐辱

園丁最閒

唐書司空圖傳圖居中條山王官谷遂隱不出名亭曰休休作文以見志曰休美也

既休而美具故量才一宜休揣分二宜休耄而曠三宜休又少也情長也率老也迂三者非濟時用則又宜休自目為耐辱居士明席帽山人王達小傳至正中臺臣薦之稱疾辭避亂于淞之青龍江復徙上海之烏涇

築草堂以自居
自號最閒園丁

山南山北

困閑困開

後漢書法真傳真性恬靜

寡欲不交人間事太守請見之真乃幅巾詣謁太守欲以功曹相屈真曰以明府見待有禮故敢自同賓末若欲吏之真將在南山之南北山之北矣晉書劉驥之傳驥之好遊山澤志在邈逸嘗採藥至衡山深入忘反見有一澗水水南有二石困一困閑一困開水深廣不得過欲還失道遇伐弓人問徑僅得還家或說困中皆仙靈方藥諸雜物驥之欲更尋索終不復知處也

泉石膏肓

花木僚友

唐書

田游巖傳高宗幸嵩山親至其門游巖野服出拜帝令左右扶止謂曰先生比佳否答曰臣所謂泉石膏肓烟霞痼疾者山堂肆考宗方孚若有隱操新居成劉后村賀以詩曰按行花木皆僚友主掌湖山即事權

韜面被中

棲心天外

後漢書姜肱傳肱與徐穉俱徵不至桓帝乃下彭城使畫工圖

其形狀肱臥于幽暗以被輜面言感眩疾不欲出風工
竟不得見之晉書索襲傳襲不應州郡之命敦煌太
守陰澹奇而造焉經日忘返澹嘗曰先生宅不彌畝而
志忽九州形居塵俗而棲心天外雖黠婁之高遠莊生
之不顧蔑
以過也

荷擔入蜀

乘船歸吳

晉書董養傳永嘉中洛城東北步廣

里中地陷有二鵝出焉其蒼者飛去白者不能飛養顧
謂謝鯤阮孚曰易稱知幾其神乎君等可深藏矣乃與
妻荷擔入蜀莫知所終南史何求傳宋除求永嘉太
守求時寄住南澗寺不肯詣臺乞于野外拜受見許一
夜忽乘一小船逃

歸吳隱武邱山

巾褐山水

枕帶林泉

宋史代淵傳淵晚年

日菜食巾褐山水間自號虛一子長吏歲時致問澹然
與對略不及私北史韋叟傳周文帝聞叟養高不仕
虛心敬悅遣使辟之備加禮命雖情諭甚至而竟不能
屈彌以重之亦弗之奪也所居之宅枕帶林泉叟對玩

琴書蕭然自逸

一舉八薦

五辟三徵

晉書范喬傳喬凡一舉孝廉八薦公府一

無所就

虞般佑高士傳劉兆字延世公府五辟三徵皆不就安貧慕道潛事述作數十年不出門

鏹

跡民伍

擊壤聖朝

山堂肆考唐孔巢父少力學永王璘稱兵江淮辟巢父為幕府不應

鏹跡民伍

宋書王宏之傳王敬宏為吏部尚書奏曰前員外散騎常侍瑯琊王宏之恬漠邱園放心居逸前

衛將軍參軍武昌郭希林素履純潔嗣徵前武

馳山

並擊壤聖朝未蒙表飾宜加旌聘貢于邱園

獵草

釣月耕雲

南史翟法賜傳法賜違避徵聘遁跡幽深尋陽太守鄧文子表曰奉詔書

徵郡民新除著作佐郎南陽翟法賜補員外散騎侍郎法賜隱跡廬山于今四世棲身幽岩人罕見者如當逼

以王憲束以嚴科馳山獵草以期禽獲慮致顛殞有傷感化乃止山堂肆考宋管師復龍泉人與弟師常俱

有盛名從胡瑗遊師復自號臥雲先生仁宗召至問曰卿所得何如對曰滿塢白雲耕不盡一潭明月釣無痕臣所得也竟

淮陽一老 東甌二徐

天中記漢應曜隱于淮陽山中

與四皓俱徵曜獨不至時人謂之曰南山四皓不如淮陽一老 宋史徐中行子庭筠鄉人宗敬之以其父子俱隱遊稱之曰二徐先生淳熙間常平使者朱熹行部拜墓下題詩有道學傳千古東甌說二徐之句

買石載鶴

伐薪汲泉

宋史張愈傳愈六召不應喜弈棋樂山水遇有興雖數千里輒

盡室往遂浮湘沅觀浙江升羅浮入九疑買石載鶴以歸杜門著書 山堂肆考邢和璞曾居終南山好道者

多卜築依之崔曙年少亦

猿啼庭下

鶴叫籠中

天寶

遺事商山隱士高太素所居曰清心亭每一時至則有猿啼于庭下謂之報時猿 尚書故實顧況志尚踈逸

有時罕招致之况以詩答之曰四海如今已太平相公何事喚狂生此身還是籠中鶴東望滄溟叫數聲

顧祿位如錙銖

視軒冕若糞土

宋史宇文之邵傳之邵字公南司馬光曰

吾聞志不行顧祿位如錙銖道不同視富貴如土芥今於公南見之矣史緯宋松江漁翁傳翁曰養志者忘形養形者忘利致道者忘心心形俱忘其視軒冕如糞土耳

玉巖居士裔自陽城

太白山人學宗老氏

宋史陽孝本傳孝本學博行高隱于城西通天岩蘇頌蒲宗孟

皆以山林特起薦之蘇軾自海外歸過而愛焉號之曰玉巖居士嘗直造其室知其不娶戲以為元德秀之流孝本自言為陽城之裔故軾詩有曰衆謂元德秀自稱陽道州嘉之也姓譜明孫一元眉宇炯炯魁岸獨立嘗讀老氏書至專氣致柔之語委心其學辭家入太白山守中致虛因以太白山人自號

棲環堵

之室苔草沒堦

隨杞柳之陰蒹葭為席

世說江湛舉王景元為吏

部郎王與湛書曰君平有言生我名者殺我身天爵猶滅名安用吏部郎哉因與湛告絕足不踰城十餘年樓

遲環堵之室苔草沒堦

晉周斐汝南先賢傳鄭敬居

于蟻陂之陽以漁釣自娛彈琴詠詩常兀坐于陂側以

蒹葭為席常

嶺上雲多不礙仙家之日

屋頭山滿

隨杞柳之陰

還通道者之溪

唐李義山詩壺中別有仙家日嶺上猶多隱者雲錦繡萬花谷遂珪詩曰種

竹五七箇結茅三兩間稍通溪上路不礙屋頭山黃葉水去住白雲風往還生涯只此是道者少機關

躡綺皓之遐蹤棲遲巖竇

甘山林之杳靄徙倚衡門

宋史种放傳上遣內侍任文慶齋詔諭之曰卿棲身巖竇屏跡器塵躡綺皓之遐蹤有曾顏之至行特舉貢園

之典果無前習之心 黃姬水貧士傳妻壽字元考南陽隆人也好學不厭榮沮溺之耦耕甘山林之杳窈連尺衡門樂以忘憂郡縣禮請終不回顧

郭文舉之居山獸不入屋 顧

景怡之出戶鳥亦依人

晉書郭文傳文字文舉洛陽臨

窮谷無人之地倚木于樹苦覆其上而居焉亦無壁障時猛獸為暴入屋害人而文獨宿十餘年卒無患害世說顧長孺有隱操與顧景怡俱不就徵景怡晚節服食不與人通每旦出戶山鳥集其掌取食 喚

鐵高休豈有驚猿怨鶴 買山支遁自難拉許排巢

氏王

彙苑隱士高休居太白山上有白雲亭客至則擊片鐵其聲清遠山中鳥獸聞之羣集亭下以為翫號為喚鐵孔稚圭北山移文曰蕙帳空兮夜鶴怨山人去兮曉猿驚世說支道林因人就深公買印山深公曰未聞巢

由買山而隱北山移文
曰將欲排巢父拉許由

隱逸四

原湛冥

前漢書王吉列傳序蜀嚴湛冥不作苟見不治苟得久幽而不改其操雖隨和何以加諸注孟

康曰蜀郡嚴君平湛深元
默無欲也師古曰湛讀沈

增種瓜

史記蕭相國世家
召平者故秦東陵

侯秦破為布衣貧種瓜于長安
城東瓜美故世俗謂之東陵瓜

鶴企

晉書郭瑀傳張
天錫遣使者孟

公明持節以蒲輪元纁備禮徵之遺瑀書曰先生潛光
九臯懷真獨遠心與至德冥符志與四時消息豈知蒼
生倒懸四海待拯者乎故遣使者虛左授綬鶴企先生
乃眷下國公明至山瑀指翔鴻以示之曰此鳥安可籠
哉遂深
逃絕跡

隱侯

盧元明緱山記漢王元弈者隱於緱山
景帝每徵不屈遂就山而封侯因以為

名宋亮巖山詩

王非拜隱侯

瓶隱

山堂肆考申屠有屋放曠雲泉常攜一瓶一日躍身入瓶中時

號瓶

鶴頭書

誠齋雜記鶴頭書古人用之以招隱士

蜘蛛隱

金樓子楚國龔

舍隨楚王朝未央宮見赤蜘蛛大如粟四面羅網有蟲觸之不得出而死乃歎曰仕宦者人之羅網豈可久淹歲月耶即挂冠而去人謂蜘蛛隱

奪牛翁

後漢書韓康傳康避入霸陵山中桓帝備元纁之禮

以安車聘之使者奉詔造康康不得已乃許諾辭安車自乘柴車冒晨先使者發至亭亭長以韓徵君當過發人牛修道橋及見康柴車幅巾以為田叟也使奪其牛康即釋駕與之有頃使者至奪牛翁乃徵君也

原土室四周

後漢書袁閎傳延熹末黨事將作閎遂散髮絕世欲投迹深林以母老不宜遠遁乃

築土室四周于庭不為戶自牖納飲食而已

增三葉肥遯

王僧虔吳地志戴勃字長雲譙

國銓人父散騎常侍達字安道弟子常侍國子
祭酒顯並高蹈俗外三葉肥遁為海內所稱

就山

存問

宋史种放傳祥符三年正月復台赴闕表乞賜告
手詔優答之作歌賜之乃齋衣服器幣令京兆府

每季遣幕職

就山存問

南山三友

宋史高懌傳懌聞种放隱終
南山乃築室豹林谷從放受

業放奇之不敢處以弟子行與同時張堯許勃號南
山三友會詔舉沉淪草澤寇準聞其名薦之辭不起

山人索價

韓愈與盧仝詩少室山人索價
高兩以諫官微不起指李渤也

五斗先生

唐書隱逸傳王績著醉鄉記以次劉伶酒德頌其飲至
五斗不亂人有以酒邀者無貴賤輒往著五斗先生傳

尋陽三隱

宋書周續之傳續之閒居讀老易入廬山
事沙門釋慧遠時彭城劉遺民邀跡廬山

陶淵明亦不應徵
命謂之尋陽三隱

一瓢掛樹

錦繡萬花谷許由居箕
山惟有一瓢酌水掛于

樹枝風吹詠鳴
以為煩擲去之

逸情雲上

後漢逸民傳贊江海冥滅山林長往遠性風疎逸情

雲上道就虛
全事違塵往

柴門灌園

晉書范曄傳曄去官還家柴門灌園琴書自適張軌徵之

為府司馬騰曰門一
杜其可開乎固辭

妻梅子鶴

山堂肆考宋林逋結廬杭州西湖之孤山

儒學提舉余謙既葺處士之墓復植梅數百本于山構
梅亭其下郡人陳子安以為處士無家妻梅子鶴不可

偏舉乃持一鶴放之
孤山構鶴亭以配之

棄鱗養角

南齊書高逸傳贊舍貞抱樸履道敦學惟

茲潛隱棄
鱗養角

大山小山

南史何允傳初允二兄求點並栖遯求先卒至是允又隱世號

點為大山允為小山亦曰東山兄弟
發跡雖異克終皆隱世謂何氏三高

白衣尚書

梁書何允

傳高祖勅給允白衣尚書祿允固辭
又勅山陰庫錢月給五萬允又不受

林下神仙

天中記張

令問本唐興人隱居不仕與杜光庭詩曰試問朝中為宰相何如林下作神仙一壺美酒一爐藥飽聽松風白

眠畫池魚呼名

山堂肆考盧渡世隱居廬陵所居前有池養魚以名呼之次第來取食食已即

去

何減驃騎

世說何驃騎弟以高情避世而驃騎勸之令仕答曰予第五之名何必減驃騎

中興書曰何充字幼道驃騎將軍充第五弟也

煉食雲母

列仙傳方回堯時隱人也堯聘之煉

食雲母隱于五柞山至夏啓末為人

虎渡龍洲

山堂肆考

所劫閉之室中從求道羽化而去

宋張景荊州府公安人仁宗召問曰卿在江陵地有何

景對曰兩岸綠楊遮虎渡一灣芳草護龍洲曰所食何

物曰新粟米炊雲子

六逍遙館

清異錄開元時高太素隱商山起六逍遙

飯嫩冬瓜煮鼈裙羹

館晴夏晚雲中秋午月冬日方出春雪

未融暑簟清風夜階急雨各製一銘

止稱前進士

五代史梁震唐末登第開平間歸蜀過江陵
高李昌愛其才識留之震終身止稱前進士

御定淵鑑類函卷二百八十九